


浙江圖書館





浙江圖書館






浙江圖書館



浙江圖書館



浙江圖書館



浙江圖書館

海寧州志

卷之十五

藝文

著述 碑版

史例例詳書目志例例載篇章今志從史例取諸簡也  
也以異同注於下以碑目合於後則溪西逸民藝文  
校讎金石三略不外此矣

名宦著書目

海昌圖經十卷

宋縣令潘景夔著

樓漳圖經序 國志之設尚矣自元和郡國志及寰  
宇九域等書皆受命于朝四海之內一無所遺卷帙  
至繁故當識其大綱而已厥後郡各有書則登載已  
詳足以備史家之採擇開卷而知其人之才否然搜

討貴博而簡別不能精紀述務實而去取或不當叙  
祥異則易失之怪書人物則多失之夸列守宰善政  
而載筆者亦與焉龔黃復生人且不信乃併與其可  
傳者掩之皆圖誌之疵也海昌為今畿縣令尹古括  
潘侯景夔下車以來慈祥臨民儒雅飾吏政成暇日  
撫臨安志全書增考故牘命秀士相與訂正之歷代  
之沿革山川之向背風俗人物賦役土產凡一邑之  
所常問者會萃滿編而以碑碣紀味次之將與斯人  
仰許睢陽之餘烈挹張無垢之遺風以庶幾于起敬  
起慕垂數載而書成將饒之木邑尉玉牒崇謨漳外  
弟也介以請于家君叙其事于編首機務鮮暇乃命  
小子書之敢誦所聞以塞嘉命先祖 帥岐公頃由  
工部郎知處州作括蒼志繪郡境為圖以便觀覽遂  
不失圖經之旨後有作者雖或加詳實本諸此云時  
在嘉定二年  
立冬之日

重修海昌圖經 縣令吳山屬邑人楊均輯

海寧縣志六卷 明永樂十六年訓導曾昶修

邑人沈升序 聖朝統一寰區垂六十年聲教漸被



邑人沈升序 聖朝統一寰區垂六十年聲教漸被  
靡間遐邇然輿圖之廣幅員之大弗資紀載罔以知  
山川地理之險易民情風俗之媿惡與夫人物土產  
貢賦之殊古今沿革興廢之由皆無自而知而議禮  
制度考文之事闕焉匪盛世之遺歟乃今末樂戍戍  
天子命儒臣纂修厥典仍遣使四出網羅天下放失  
舊聞凡六合之內八方之外有關風教者咸使采錄  
悉上之海寧古號海昌又各鹽官或為州或為縣歷  
代相傳沿革不同我朝廷建為縣舊有海昌圖經先  
賢錄皆鄉耆所著今述其舊而新是續皆詳備焉事  
以實紀物以類分以類相從輯成六卷總名曰海寧  
誌掌教邵武會相以予為邑人也文獻既微不可無  
序自扶輿清淑之氣鍾而為人而人才之出為世用  
也或著于忠孝或顯于節義或發于文章或揚于事  
業皆足以羽儀邦家光昭里閭者唐有睢陽許公宋  
有文忠張公謹獨楊公持正施公數君子雖乘時而  
出亦山川之靈秀攸聚也國家所造就而期待者亦  
已厚矣乃今復新茲典以隆紀載風厲之意何其諄  
復而懇至哉嗟乎聰明出類之才世固不乏然豪傑  
之士雖無文王猶興矧今遭遇聖明躬逢盛典車書

混一禮制大同山川靈秀之所鍾又有前賢往哲之表率孰不鼓舞而興起耶行見邑人之才彬彬輩出接武先賢而忠孝節義文章事業將與古而匹休矣詎俾許張楊施數君子專美于唐宋哉余于是誌而深有所感焉故弗辭而為序時

永樂十六年己亥夏五月既望

### 海寧水利圖志

縣令嚴寬著

嚴寬自序 惟王建國設官凡以為民焉耳矣民事曷重曰有本曷先曰有要本者何田里樹藝之謂也要者何水泉灌溉之謂也是故蒸民乃粒稷德惟懋而地平天成禹功實開之此固當務之急也三代而下罔知貴本親要疏鑿之說雖幸有存焉或失則誣或失則陋或失則勞或失則逆噫弊也久矣又何異乎治之千古若耶惟我藩臬朱公欽若明命總諸水政于南甸於浙之東西爰檄郡縣有司百執事各繪山川形勢上之將以講求水利之源流與凡興修之利害勒為成書以嘉惠萬世甚盛心也下吏寬竊祿海寧愧初政罔若有知惴惴焉惟無以仰承是懼于時延訪于時探索于時屢歷考詳數越月亦既得其

概矣敢不綴聞輯見以獻竊惟海寧古鹽官縣也按

概矣敢不綴聞輯見以獻竊惟海寧古鹽官縣也按  
志海逼縣南由鎮海門出里許以石隄捍潮日海塘  
北自拱辰門達于仁和曰上塘東至宣德門達于運  
河曰下塘其流旁通四境中間爲湖爲蕩爲瀆爲溝  
湏爲遂爲渠爲川爲涇爲漚爲浜未易悉數皆蓄洩  
之支流耳關于一縣之利害者三河其選也第其緩  
急則又不能無頡頏之差焉是故海塘爲要上塘次  
之下塘又次之蓋緣地勢高阜俯視蘇湖使海水捍  
禦不嚴則東南膏腴之地盡爲斥鹵昔人築隄以捍  
之其慮周飭有如此者邇來怒濤衝激歲益以甚相  
去城河近不百步耳此利害之關于數郡者故曰爲  
要上塘之水發源于杭之西山北由吳家堰東抵長  
安壩以洩于運河近來西湖占塞而水之來也有限  
吳家堰坍塌損而水之去也無節矧自許場達于縣治  
幾七十里許地高河窄容蓄無幾舊志現筒十有三  
處澇則洩旱則固所以節宣之也今則傾圮殆盡無  
復存者此利害之關于一方者故曰次之下塘河其  
支有二竅由袁花歷海鹽抵白茆港以入于海北由  
郭店浮于蘇常由孟子河京口閘以入于江源遠流  
長非大旱澇可以無慮惟近城十里地名曰轉塘者

河淺不足以為容塘小不足以為衛涸舟沒路之患  
間亦不免焉耳此利害之關于一時者故曰又次之  
議者謂浚河之土以加于塘則河深而水聚塘高而  
行便矣此固周禮因地勢水勢之說在因時處分而  
已矣固不敢重遺當道者憂也惟上塘之役工力頗  
繁使驗丁出力則富豪者或以計免而荷耒與嗟者  
類皆無田之民今欲通力于兩岸食利之家庶合佚  
道使民之旨而規筒之制要當易以石閘信非捐資  
公帑不可耳矧西湖曲防于富家吳家堰屬籍于鄰  
縣尤非下吏寬卑劣所得專焉者幸惟我公率作興  
事計處之下奉以周旋則亦奚為不可至于海水潮  
汐世為邑患則又有甚焉者矣考之石隄之築創于  
唐添設于宋元增修于我國朝皆以數郡財力始克  
有濟正以據蘇常之上流為嘉湖之鎖鑰各與有責  
故均任其勞耳邇者海勢南奔乃區一方之民以治  
之東興西廢財竭力疲惟明公處助始克底績迄今  
海沙潮長雖天幸亦人力也但潮汝潰決無常而一  
邑財力有限每遇興修則上下移文動以旬月計卒  
之損者崩崩者廢計定而後行所損亦已多矣識者  
欲準海鹽事例歲儲均徭役銀若干以備修築則百

姓免與作之勞而官府省文移之心費未為無見也明

姓免興作之勞而官府省文移之費未為無見也明  
公存心天下加志窮民况通融處分具又在我果采  
而行之乎苟行之一舉手一投足之勞耳明公何吝  
焉寬也學不足以識古才不足以通今按圖或乖于  
時宜道謀或主于偏見若夫通其志不違其欲齊其  
政不易其宜立言立功以垂永求顧明公酌處何如  
耳若曰下吏之言為必可行也則寬豈敢

海寧縣志九卷 嘉靖間縣令蔡完著

蔡完自序 歲乙卯余承乏海寧既視篆欲周知境  
土形勝與夫往昔沿革人文事蹟之實問焉而無知  
者惟于簿書期會間得之胥徒不過錢穀兵刑會計  
之數而邑之交獻茂如耳始悟舊典之無存久矣加  
以島倭寇亂自柘林來盤踞硖石四封之民皆入邑  
居悉力捍禦晝夜靡寧遑復為他計哉然余心終缺  
然也是縣古之名區在杭郡為首邑浙以西莫先焉  
固宜典章燦然而閭寂無聞始類荒陬僻壤不亦異  
乎廼謀于博士師生眾驩然曰邦之人士仰公久矣  
公其無讓始訪諸民間得永樂戊戌舊稿巨束前訓

尊會和所修者也蓋迄今百有四十年矣又請于諫  
議杞山先生得宋本嘉定圖經令尹潘景夔所修者  
也蓋距古三百五十年矣隨又請得續志二帙殆亦  
鄉哲所衷而翁校定焉者于是乎足徵矣既而殘篇  
斷簡紛然雜出而昔賢銘碣自獻于土若有冥契咸  
曰豈非數乎于是移書山中招碧里子者來與諸賢  
全事四月已丑鎖館矢殫厥心酌古準今合同推異  
凡若干日而粗就得九卷焉地理者以言乎都邑也禮制  
田賦者以言乎任土也建置者以言乎倫振德則  
者以言乎儀則也代理物則有職官明倫振德則  
有學校明目達聰則有選舉鍾靈毓秀則有八物考  
古拾遺則有雜志彙而成編余讀之嘆曰史乎史乎  
顯晦有時雖作之在人亦天也物無終泯而況邑乘  
乎大忠如顏許大儒如無垢而可使終淪乎余聞前  
政君子亦多有功倍微茫之緒幸存于黃耇大賢  
今在兩月間力省功倍微茫之緒幸存于黃耇大賢  
之家得有所據使斲燼餘書垂絕而復續謂非天乎  
而翁之慎重收藏寶之如赤刀大訓不忘宗國之盛  
心爲何如哉余既爲邦人喜廼捐俸梓之仍述志之  
所由成使吾民家喻戶曉以無忘其所自庶後之君

子輝而戰之千古遺文爾然在日豈非一快事乎是

子踵而輯之千古遺文炳然在目豈非一快事乎是役也校讎于內則教諭張志訓導蔡惟孝李玉潤庠生吳必學徐一卿贊襄于外則縣丞張杲楊人紀主簿羅鈿而督工則典史王國佐因併書之以紀一時在會

丈量則例一卷

縣令許天贈著

水利議

教諭鄭日休著

派貼均差書冊

縣令材恭章著

寧志備考十卷

教諭趙維宸著

海寧縣志

國朝縣令秦嘉系著未成書

海寧縣志十三卷

康熙十四年縣令許三禮著二十二年縣令黃承璉續修付梓

許三禮自序

寧邑之志粵自宋咸淳以來其在於

明有蔡令志有趙學博備考蔡本既久而論略趙本亦未見成書我

皇上辛亥歲允大學士衛建言

下直省郡國修志前令姜煦因得請邑之士大夫備

文獻者從事會以事去官不克竣癸丑冬十一月禮

卿天子之命來令茲土戴星不遑其曷敢有及

于鉛槧之役念邑乘大事也且又甲令所急歷代之  
典故在焉昔賢之政事係焉魁梧長者節義名賢具  
焉山川艸木則存乎其舊風俗歌謠則係乎其時或  
裕或革爲損爲益亦當代得失之林也遂以告于邑  
之士大夫曰其曷可不卒業于斯于是星分碁署按  
部考班爰及二載而書告成余讀而善之曰美哉洋  
洋乎其勿可及也矣昔者七子賦鄭志會稽對土風  
以諸君子生于斯桑梓枌榆夫豈忽諸况夫四部續  
紛七略淹貫言曲而中事肆而隱謂之襄陽陳畱之  
書其誰曰不然余因之有感矣寧邑固河淤諸侯之  
國也在昔之隸州隸郡爲緊縣爲大縣亦已聞于前  
志獨是一邑之中利何以興害何以革獄訟何以息  
戶口何以蕃城郭何以增崇河渠何以濬刷學校何  
以敦教閭里何以讀法潢池溲惡何以革心常平義  
倉何以安集鴻雁而慰勞獨山川鬼神何以克歆享  
而無瀆辭禮也學聖賢之學展四體以恪朝夕惟力  
是視不知其有當焉否也自昔吏于此者若王珣若  
刁廳若魯館若陳恕諸君皆有所建立以不朽于後  
而余謏焉是懼其若之何亦惟是駑馬十駕以從事  
于前賢之後而已然則諸大夫之有取於禮也非禮



之所致  
聞也

### 都庄圖說

縣令蔡其昌著

### 海寧縣志十二卷

乾隆二十二年縣令金鰲重修二十九年縣令黃簪世續編付梓

黃簪世自序 事有似緩而實急者邑之有志是也  
 事有似易而實難者邑之修志是也 有土有人以教  
 以養簡冊具在足備考稽資法戒使日無闕報最而  
 置之將一邑之政治因革風物盛衰日久汨湮後有  
 好古之士願治之吏孰從考而資焉則不容以不急  
 而亦弗容畏以為難者此也 寧邑為省會左輔居三  
 吳上游大海奔濤七郡之保障繫焉 百里之長隄亘  
 焉山川蟠鬱戶口繁滋人文輩出況際 聖天子  
 軫念海疆 鑿輿再幸觀瀾導勢樹磐石苞桑之  
 計摛卿雲糾縵之章 天藻昭回地靈獻瑞蓋寧  
 劇邑也而名區也幸逢今日之盛而思載筆揚休一  
 於志焉係之按寧之有志肇於潘景夔嘉定圖經吳  
 由續于咸淳會景續于永樂並佚不傳傳者蔡侯完  
 之嘉靖舊志而已 國朝順治間秦侯嘉系奉檄重

修聘邑人吳璽卿本泰郭大行濬范明經驥輩網羅斷制雅合史裁康熙甲寅安陽許少司馬三禮來宰斯邑因秦之舊而參以趙無聲維寰備考談觀若遷外志彌臻詳贍而嚴潔不逮前人則以版在吏廨聽人竄補漸益燕冗非作者之過也自是以逮乾隆戊寅曠置積久經始愈難前令金柱峯鰲慨然任之廣延名宿開局增輯博采群籍考核同異八十餘年之文獻煥然復新書垂成金侯以病去一二君子力終其事已卯秋冬以次脫稿顧雖條例有章而分校未就排比度邑解者又四五年簪世受事後復與績學之士商確諮諏稍爲增刪彙合編次釐爲十有二卷可以徵掌故廣見聞而志大備矣官守者手是編則念衛生靈惜民力飭吏役厲風教遠法王刁近追秦許不獨隄號甘棠已也土著者手是編則念保田廬安耕讀砥廉隅教淳樸感睢陽之忠薰慕舒國之經術仰橫浦之理學話九杞之高風景行在望亦步亦趨不獨階崇槐棘已也他如官常人紀懸古鑑今日目觸而心儆則官于斯生于斯者交凜凜焉成志雖難又烏可以緩乎哉然簪世竊有深幸焉事難于創而便于因戊寅之役雖未薈萃成書而抽條引緒用力

多矣茲雖而增修事半功倍藉之往事康熙辛亥檄

多矣茲踵而增修事半功倍稽之往事康熙辛亥檄  
修邑志越四年乙卯而成帙尋以體格異同覆加部  
署至癸亥始克付梓起訖凡十有三年志序具在可  
考也今自戊寅來總計更番編輯不過二載有奇使  
非規撫先定縱淹歲月其何能釐然有當如此耶是  
前與後交相待而于簪世乃幸觀厥成也或謬置我  
著作之林功在前人不敢掠美其或以疾行促柱拙  
速相因又或以成事因人別裁寡要容有僉父我者  
簪世則引咎不遑而重  
有望於後之嗣葺者

名賢著書目 作者爵字互見列傳其稍晦者則并  
著之寓賢著述不及載或附見本傳

周易注十卷

周易爻義一卷

周易宗塗四卷

周易問難二卷

周易元品二卷

毛氏詩隱一卷

春秋左氏義函傳十五卷

春秋序論二卷

答周禮駁難五卷 按七錄孫琦問干寶駁虞喜撰唐志孫琦作孫略

周官禮注十二卷 司徒儀一卷 見隋志唐志作司徒儀注五卷

禮雜議五卷 七廟議一卷

後養議一卷 搜神記三十卷

干子十八卷 唐志正言十卷元言十卷

集四卷 隋志梁晉紀二十三卷 俱下寶著

注王弼易二繫 毛詩集解叙義一卷

老子義疏 隋書經籍志一卷唐書藝文志道德經義疏一卷義疏治綱一卷 俱顧歡著

集三十卷 三禮義記四十卷

禮記義四十卷

周禮音

俱成  
哀著

集二卷

毛詩義疏二十卷

喪服義疏

孝經義疏

論語義疏

老子義疏

俱顧  
越著

帝王紀錄三卷

史記至言十二篇

按唐書本傳作十二  
篇舊志作二十卷誤

翼善記

俱褚無  
量著

通翁集二十卷

今存  
五卷

畫評一卷

俱顧  
況著

妙女傳一卷

集一卷

俱顧非  
熊著

橫浦集十四卷

無垢心傳錄十二卷

錫于  
恕編

大學說

宋志一卷  
通考二卷

中庸說

宋志一卷  
許志作六卷  
疑誤

孝經說

宋志四卷  
讀書志一卷

論語解

宋志十卷  
書錄解題二十卷

鄉黨少儀咸有一德解

宋志一卷  
焦氏經籍志少儀論一卷

孟子義解十四卷

讀書志一卷

孟子拾遺一卷

四書解六十五卷

橫浦語錄十四卷

橫浦日新錄

門人郎畢語錄

唐鱸五十卷

俱張九成著

孟子發題一卷

北窻炙輠

俱施德操著

晦巖集十二卷

沈清臣撰

海昌先賢錄

楊均著

猥園稿四十卷

郭知運著

勾曲外史詩集

出世集三卷

碧巖元會錄二卷

元品錄五卷

茅山志十五卷

俱元張天雨著

日用本草

元醫士胡瑞字元瑞撰文宗時人見

本草綱目

海寧志補 朱廸著

何光祿詩集 何熙著

螺城集 孫子良著

雪崖集 朱祥著

雪溪漁唱 蘇平著 晏鐸選

雪壑集 蘇正著

紀行集 朱禮著

履坦幽懷集 祝淇著

醉陶集 徐寬著

禮經私錄

宋金元史詳節

虛齋遺集

古文集成 俱祝萃著

澹齋稿 周敬著

步齋集 查約 著

解頤詩 查繪 著

從吾道人集 董澐 著

聖學全書

真儒蓋語 俱董 著

碧里四存前後稿

澈浦志 俱董 著

許黃門集十二卷

史漢方駕三十五卷 見澹生 堂書

貽謀四則

華朝志十卷 俱許 相 著

武林文獻錄 孫景 時 著

飛鴻亭集十二卷 吳鵬 著

覺菴存稿 查秉 著

新居集 張淶 著

存稿八卷 馮觀 著

南泉集

靈衛廟志 俱沈 友 著

北臺奏議

真逸先生集 俱未瑞

九芝堂集 吳德



真逸先生集

俱朱瑞登著

九芝堂集

吳遵著

四書說義

沈志言著

兩巡奏議

貽閒堂集

俱董鯤著

泰山志

天津腕城二存稿

安慶之變一卷

岱史十八卷

俱查志隆著

淳樸園稿

沈祜著

審山樵漫草

唐俞著

秋草吟

沈一鳴著

山居三集

褚相著

四書說乘六卷

張嵩曼石著見經義考

唐詩選脉

杜釋會通

俱周甸著

春秋補傳

董啓石龍著十二卷陸樹聲序見經義考按通志作春秋補傳義十卷海寧董啓予

三同著誤

醫學大原

廣嗣要語一卷 俱俞橋著

協忠錄三卷 許南金訂記睢陽事

二京三遊草

中林集 俱郭子直著

隅園集

考工記輯注

古今樂考

文選章句二十八卷

廣修辭指南 俱陳與郊著

地理纂要

盈缶集 今有許侍御存笥稿十卷

蠶譜 俱許聞造著

靈泉羸史集

金牛隨筆四卷

風水鍼二卷 俱許令典著

詒美堂集二十四卷 祝以幽著

武夸遊草 陳祖苞著

大風堂集 陳元暉著

明鏡錄 祝守箴著

一成粘壁語

安國寺志二卷

俱董志稷著

五經集思通

朱道行著黃氏書目尚書集思

通十  
二卷

人鏡陽秋

汪廷訥輯  
沈懋孝序

春雨編

朱象衡著

遲旭窩吟草

裴應暘著

容膝軒稿

談于庭著

慧居遺稿

陸沉草

琴譜

俱沈瑞徵著

疑夢編

廣孝錄

俱周珽著

濟美堂集

祝以應著

教外別傳十六卷

困學記

蔚廬草

孝友傳

俱郭正中著

蕪園集

葛徵奇著

易義發蒙

圖書粹六十卷

海寧州志 卷之十五  
息心窩全集三十卷 俱吳太冲著

海粟堂十卷  
續論語頌

綺語障  
西溪梵隱志

使星堂纂 俱吳本泰著  
孤臣述

孝經釋義一卷  
容菴存稿三卷

韻史一卷 俱許令瑜著  
國權一百卷

史論六卷 按通志作二卷誤  
棗林集十二卷

棗林襍俎八卷  
棗林外索六卷

海昌外志八卷  
北遊晉遊集 俱談遷著

扣缶草 王翰著  
述嘉集 蔣國光著

扣缶草 王 著

述嘉集 光 著

西園集 朱睿 著

周易玩辭困學記

詩經戈志困學記六卷

經義考作 待軒詩記

左傳分國紀事

孔子年譜

左傳抄

史記抄

晉書纂

土室寤言錄

四書隨筆

一經堂集二十卷 俱張次仲著

非非集

菱菱草 俱祝守範 更生著

月隱先生遺稿 祝淵 著

敬修堂詩集十七卷

通鑑嚴八卷

罪惟錄一百二十卷

史論

詩可 俱查繼佐著

陶詩評釋

寒翁編

俱蔣薰著

旋吉堂集

浮雲集

俱陳之遴著

詠年堂詩文集

葛定辰著

六經略記

正誼堂詩集

金陵遊草

鼎菴禠述二卷

俱朱朝瑛著

與袁堂詩文集

陳殿桂著

淳村集

曹元方著

玉巖唱和集

張孫宏著

為可堂詩文集

史論

梅里詞

俱朱一是著

紀年草

姜曰雋同水著朱一是序

止溪文集二十卷

止溪詩集三十卷

樂府廣序一百卷

先刻漢魏二十卷

經世書一百六十卷

俱朱嘉徵著

訂補字彙

張標著子美文訂

澄清堂集

查崧繼著

鞭心集

葛士奇著

漱玉集

宋自均著

曷庵詩文集

姚黃黃客著

古文褒異

汪定國蒼舒選

深柳堂詩文集

徐晉階著

超然堂集

呂居恭著

古韻通譜

愛日堂詩文集

俱范驥著

大學辨一卷

學譜

葬論

俱陳確著

敬恕堂詩文集

李頴玉著

六宜樓詩賦草

盛起著

壑存集三十卷

湛華樓詩三十卷

卜杲篇十卷

山圖別集四十卷

俱徐元倬著

漱石堂集

祝翼亮著

虹映堂集

郭氏詩譜

詩笈二卷

北遊詩一卷

衍極書一卷

俱郭溶著

嗣學全書

查培繼著

深寧齋集

查詩繼著

玉禾堂集

徐元粲著

景疏樓集十卷

自怡集一卷

黃門疏稿二卷

撫黔奏疏八卷

政學編一卷

俱楊雍建著

蜀草

朱昇著

陰行錄

許全可著

春草堂青霞軒詩集

葛炳著

讀易偶箋

長豐流



讀易偶箋 查雍著

喪禮疏解

鐵函集

俱許齋著

水鏡集四卷

范曄著

渚山樓詩文集

易象疏意

四書指月

易經指月

硤川志

俱潘廷章著

十三經文鈔

耿巖集

俱沈珩著

日觀集

朱爾邁著

糜可齋集七卷

葛惠保著

餐霞軒吟稿

陳懷永著

寄齋詩鈔

陳奮永撰謙著

春秋論斷

查書繼二典著

周易玩辭述三卷

四書述十九卷

資治通鑑述

律述

地理述

俱陳誥著

出塞紀略

扈行紀略

俱陳世安著

梅磧文稿

祝翼恒著

春秋質疑十卷

墨林類纂

躬厚堂詩集

俱祝增著

燕遊草

查蟠繼著

適意吟

朱翰思著

孝經章義一卷

浙學傳是編六卷

俱許汝稷著

德星堂詩集五卷文集十二卷

四書大成十二卷

易經說十二卷

俱許汝霖著

秋林讀易

管宏淳著

愛日堂詩集二十七卷

格致鏡原

俱陳元龍著

辛齋遺稿

辛齋詩話 俱陸嘉淑著

影山樓詩集六卷 祝洵文著

艾軒集 楊中楠著

始讀軒詩文集 查旦著

紅蓮詩草

鴛湖偶草 俱查焘著

靜學齋詩集

姓氏譜

蘭亭攷

山居篇

澹遠堂尺牘 俱查昇著

愛吾廬文集十卷 張會裕著

萊州府志 陳謙著

唐省試詩注

勾股述一卷

勾股蒙引 俱陳許著

春靄堂集

虞州集

蘭臯載筆

封史題跋

含香新牘

北行日記

俱陳奕禧著

愚齋詩鈔

楊德建著

藥房心語

楊中訥著

思永堂家訓二卷

沈異著

尚志堂文集六卷

漸江詩鈔十二卷

俱查谷著

且閒亭文鈔三編

葛松著

韓詩評釋

陳亨著

古今文韻十二卷

心影集八卷

俱李上麟著

易經蠡測

春秋測微

續文獻通考補

拙齋集

俱朱奇齡著

宜齋小草

祝翼康著

咸齋文鈔七卷

查魏旭著

清卿集

蘭言錄

俱許惟模著

榮古堂偶鈔

查嗣珣著

敬業堂集五十卷續集六卷

蘇詩補注五十卷  
周易玩辭集解十卷

得樹樓襍鈔十二卷  
人海記四卷

陪獵記三卷  
廬山記遊一卷

江西通志一百七十卷  
俱查慎行著

查浦詩鈔十二卷  
查浦輯聞六卷  
俱查嗣琛著

致軒詩鈔六卷  
楊守知著  
葑園吟稿  
沈廣業著

半硯冷雲集  
曹三才著  
歷朝尺牘六卷  
曹三德選

烏衣香牒  
春駒小譜  
俱陳邦彥著

少廣補遺  
方程申論  
俱陳世仁著

學辨質疑

仁愛叢說

養正初訓

閨範類編

建中錄三十二卷

訓士學古錄六卷

義學訓規

俱陳世倌著

碧桐軒小稿

祝詒著

春秋古經四卷

春秋三傳纂凡表四卷

讀春秋偶得十三卷

胡氏傳疑二卷

玩占廣師二卷

韓筆酌蠡

日堂文鈔

日堂詩鈔

俱盧軒著

勉耘文集

查雲標著

大雲樓

張珍著

大易理占四卷

易卦吟一卷

海邦耆舊志四卷

寄生子集

俱許惟植著

史斷

許惟楷著

三樹堂集

地理探原

賦彙題解

友槐堂

張朱芾著

嵐縣志

太原縣志

俱沈繼賢著

平昌紀遊集

周逢吉著

罔極錄

許楹著

穀齋詩鈔

縣志補

俱查祥著

白下草

中谷吟

山唱酬

俱周敬著

左旋詩鈔

查樞著

今是草堂詩集

祝秉貞著

倚劍樓詩集

倚劍樓詩餘

俱葛洽著

梅廬吟物詩 查嗣高著

晚雷詩鈔 楊嗣震著

燕喜樓詩集

苦次偶存 俱楊景

味菜軒詩集 許惟枚著

雪煩詩鈔 張思問著

六書補遺 俞鴻赤著

式微集 楊正講著

漁村詩集 馬思贊著

寒蠶詩集 馬翼贊著

唐詩閑 馬思贊翼贊同選

授拂齋詩草 查克承著

雙峰詩集六卷

史漢識小錄十卷 俱查克念著

四書闡義脉纂

傷寒餘論 俱朱榮著

廣五雜俎八卷 周以澄著

喪禮節要

六有齋劄記 俱張朝晉著

通鑑歲得十二卷



左氏指證二卷

韻薈十二卷

歷朝詩宗風雅頌類約十六卷

疊字考四卷

僻姓經見錄三卷

續三元考二卷

進士通譜四十四卷

昭代賢書十五卷

續海邦耆舊志二卷

訂補宮闈小名錄六卷

晚榆軒詩文集

汜水縣志二十二卷

陳畱縣志二十卷

莘城酬唱集一卷

俱許勉燾著

見山堂詩草

沈廷薦著

粵遊草一卷

查昂著

未然吟草

查遜著

蟲獲軒筆記

張爲儒著

印譜一卷

長慶集選二卷

俱周文在  
了閒著

下學編十四卷

刪定陰符一卷

淑艾錄

井辨錄

考索集

俱祝  
淦著

竹篔簹詩集

鹿邑縣志

俱許  
葵著

秋坪詩鈔

陳遇  
堯著

四書領要

查錫  
齡著

柿畦詩鈔

沈周  
世著

存菴子遺草

程鉉  
著

寧拙草

祝寅  
著

又迂詩鈔

倪元  
著

選佛詩鈔

查羲  
著

國朝詩因

查羲  
選

稻壑集

小波詞鈔

俱陳沆  
湛斯著

蕭然詩鈔

許式  
賢著

硤川志略一卷

蔣宏任著

燕齊遊草

廖天錫著

吾苑亭詩集

查開著

蘇詩三家

汪查開著

樵石詩集

吳嗣廣著

岩門詩文集四十卷

南燭軒詩話

歸德府志

俱查岐著

念園詩鈔

俞永弼著

臆吟二卷

徐蘭著

右榭詩鈔

右榭詞鈔

攻豎偶筆

俱許寧基著

亦政軒詩鈔

張溶著

竹巖詩鈔

楊煥綸著

陸疎村詩

陸堯佐著

雪林存稿

倪青上著

陳氏家譜

靈泉許氏宗譜

洛溪許氏宗譜

董氏家譜

張氏家譜

祝氏宗譜

周氏家譜

見許志列女傳

朱氏家譜

查氏統譜

查氏族譜約編

雲標重修

濟陽家乘補

查克念修

楊氏宗譜

廻塘徐氏家譜

牟氏家譜

鄒氏家譜

閨秀著書目

靜菴集十卷

朱妙端仲嫻著  
祚女周濟室

聚雪樓藏稿

沈氏著

竹笑軒詩集

李因是菴著  
葛徵奇妾

拙政園詩詞

徐夫人燦湘蘋著  
陳之遴室

玉臆遺稿 高宜甫 有 著

玉牕遺稿

葛宜南有著  
朱爾邁室

梅花樓詩存二卷

鍾淑人韞眉令  
著查崧繼室

永庵詩選一卷

附詩餘龕山女史陸若  
松長青著葛惠侯室

吟香樓詩六卷

查惜淑英著  
馬思賢室

素賞樓集

陳晚永倫光  
著楊中默室

貯月樓詩一卷

楊孺人守閒禮  
持著陳世仁室

花角樓吟稿二卷

陳素雲有  
著查學室

方外著書目

澹堂竹筒和尚語錄

僧德明著姓顧  
式見咸淳志

柿園集

僧守璋著

十緇頌

東谷語錄

俱僧慧日著 姓金氏

黃山草十二卷

西湖詩草

彈指集

桂羅壯遊集四卷

俱安國寺釋大涵雁黃著

鹽官名德錄

龍岩釋真照著

洪衍禪師語錄

洪衍灝著

滄州禪師語錄

釋實怡著

圖

浙江

碑目

唐

勅賜荊州都督許公神道碑

大歷二年銀青大夫右散騎常侍輕車都尉宜

城縣開國伯汝州柳渾撰  
禮部尚書杜確撰墓銘

秦州成紀府左果毅張公墓誌銘

貞元元年

萬仁泰墓誌銘

元和一年

舒論墓誌銘

元和九年

戚夫人沈氏墓誌銘

大和六年

鄔府君墓誌銘

咸通年

梅府君墓誌銘

年次未詳

安國寺幢

刻佛頂尊勝陀羅尼經咸通六年周瑛刻  
字并書

安國寺幢

刻佛頂尊勝陀羅尼經吳興沙門令洪書

宋

靈池寺重建大佛殿碑記

太平興國三年未詳撰人

重修志願寺碑銘

景祐四年通慧大師贊寧撰

禹秦二王廟記

景祐四年贊寧撰

鹽官縣重修公宇記

康定元年蘇夢齡撰

重建上方記

慶歷六年濱州軍事推官李肩白撰

白馬廟記

令劉拱撰

紫薇山章孝標詩碣

治平元年右班殿直監澈浦鎮  
稅兼烟火樊世卿書開山住持



上方賜紫慧悟  
大師辯親立石

太平廣福寺碑記  
熙寧元年嘉興沈景顏撰

安國寺建大悲閣記  
熙寧七年蘇軾撰嘉靖丁酉重立

新寺碑記  
蘇軾撰

顏魯公碑  
米芾書

慶善寺天台教院記  
元豐元年丹徒葛繁撰

覺王寺結大界碑記  
元豐九年僧維肅撰

周府君墓誌銘  
元祐四年關景仁撰

壽聖院記  
大觀二年將仕郎前監本縣鹽監張弼秉道撰

鹽官縣社稷壇記  
政和二年邑令歐陽珣撰

靈泉井記 政和五年邑令陳逸撰

重建縣廳記 宣和二年縣丞陳昱撰

鹽官縣學碑 紹興五年胡理撰縣令刁廡書

宋縣令續題名記 紹興九年秘閣修撰張九成撰并書

淨居院重建童兒塔記 紹興九年張九成撰

慶善寺銅僧伽瑞像記 隆興二年新差充衢州教授竇思永撰

南禪福巖院記 乾道二年右宣義郎監官在左藏西庫李洪撰

仰高亭記 淳熙十一年陳申撰

催煎廳題名記 淳熙十六年吳興談鑰撰并書

重修鼓樓記 紹熙元年監巖門蜀山鹽場談鑰撰

叢家傳 慶元元年新差建寧府大挺場鹽官縣上

叢塚碑 慶元元年新差建寧府大挺場權鹽官縣上管催煎鹽場葉延年撰

買納廳題名記 慶元三年監場山陰王墀撰并書

放生池亭記 慶元四年鹽官縣尉傅益記

鹽官重修雙廟記 慶元四年太學博士鍾必萬撰

鹽官縣修學記 開禧元年鍾必萬撰昭武鄒應龍書

監稅廳題名記 開禧三年司征姑蘇朱鏐書

簿廳續題名記 嘉定十年主簿趙崇暉撰

張文忠公自書像贊 紹定二年令趙汝船立明正德元年重刻

南路監場題名記 淳祐五年監場兼浙西安撫司僉廳承嘉陳桂撰

西路場宋南路鹽倉記 應係記

張文忠公祠記 于有成撰

常樂寺記 資善大夫史弼撰

崇福寺記 嘉禾聞人符撰

惠力寺舍利衆善記 聞人符撰

瑞應觀音院記 聞人符撰

陳君生祠記 萬日暹撰

東嶽行祠記 邑人傳達可撰

安國寺轉輪經藏記 傳達可撰

臯小郎碑 見圖經

元

學宮聖七日碑 大德十一年

學宮聖旨碑 大德十一年

鹽官州治記 延祐二年虛谷方回撰

三皇廟記 義烏黃潛撰

巖峯曹將軍祠記 潘萬選撰

胡令公廟記 鹽官州教授徐圓撰濟陽訓導章楷篆

妙智靈瑞閣記 至正二年知州張光祖撰

鹽官重修雙廟記 至正十二年嘉興路傅貽書院山長錢惟善撰

海寧州安民碑 至正十九年同知杭州路總管咬住撰行省左右司都司王德璋書在學

宮土  
地祠

鹽官州題名記 至正二十八年海寧州教授徐中撰

廣福廟記

知州趙嗣構撰

廣福廟記

康存誠撰

壽昌院記

照磨段天祐撰

明

天妃廟記

許德柔撰

重修靈順行祠記

洪武十一年許德柔撰

黃灣馬公墓表

洪武二十三年徐一夔撰孫進士馬秩書

崇惠華嚴寺記

永樂元年五月大理寺左寺丞禱李朱逢吉撰釋妙門書

重築捍海塘記

張寧撰

崇惠寺毘廬閣記

正統七年毘陵胡濙撰

重修學宮記 天順六年學士彭時撰沈德書

重修學宮記 天順六年學士彭時撰沈寧書

崔府真君廟記 太僕寺丞朱禋撰

重修海寧縣學記 成化六年訓導達穎撰朱禋書

鄉貢題名碑記 成化七年江陰卞榮撰訓導達穎書

重建雙廟浩然堂記 宏治十年叅政虞山周沐撰

重修儒學記 正德九年祝萃撰崇德姚鵬書

重修雙廟并建協忠門記 嘉靖元年知縣孫溥撰

重修元通寶閣碑記 嘉靖十年閩人嘉言撰

安國寺大雄寶殿碑 嘉靖十六年董穀撰

李缺齋先生去思碑 在學宮嘉靖二十年謝德聰撰

重修廣福禪院記 嘉靖二十四年沈祐撰

縣治題名碑 嘉靖三十年知縣高尚志撰訓導張志書

許侯廟碑 歸安茅坤撰

周演泉先生去思碑 在學宮隆慶元年茅坤書

惠力寺重修佛殿記 隆慶四年沈友儒撰

惠力寺重修佛殿記 隆慶五年吳遵撰里人華國書

重修東山妙智閣記 萬曆二年

重修雙廟記 萬曆三年沈友儒撰

酆聖廟廣陵侯靈應記 萬曆六年沈友儒撰

審山東嶽帝君頌 萬曆九年沈友儒撰

城隍廟碑記 沈友儒撰康熙三十四年重立



城隍廟碑記 沈友儒撰康熙三十四年重立

顧輿廟記 萬歷十年沈友儒撰硤川華國書并篆

五顯靈官殿記 萬歷十年沈友儒撰

重建世家亭記 沈友儒撰

闔澤院記 沈友儒撰

周宣靈王廟記 沈友儒撰

安化王祠碑記 沈友儒撰

石井記 徐寬撰

重修全真道院碑記 董鯤撰

安國寺淨土懺室記 僧宏道撰

薦福寺記 釋文珣撰

重修長安橋記 陳廣仁撰

旌忠寺記 僧妙已撰

館

真相寺記 方伯楊文琳撰

張玩元先生去思碑 在學宮萬歷十三年邑人居守撰

陳侯德政碑 在學宮萬歷十五年居守撰

張小渠先生去思碑 在學宮萬歷二十二年秀水馮夢正撰

重造大悲閣記 萬歷二十九年陳與郊撰顧履中書

雲麓李師去思碑 在學宮萬歷四十年祝以豳撰

肖谷姜先生去思碑 在學宮萬歷四十年知縣陳揚明撰

念天常先生去思碑 在學宮萬歷四十二年祝以豳撰

念天常先生去思碑 在學宮萬曆四十二年祝以翻撰

方侯去思碑 萬曆四十二年許令典撰教諭陳邦訓書

重建戒壇院記 吳本泰撰

處士洛泉許公墓道碑 吳默成撰

報功祿記 天啓二年陳與相撰

陳白玉先生去思碑 在學宮天啓七年祝以函撰

貢尚書祠記 朱嘉徵撰

許公故廟記 談遷撰

重修海塘記 崇正四年陳祖訓撰

閔先生去思碑 在學宮崇正十二年吳太冲書

渤海藏真

陳璘集刻古帖

玉烟堂法帖

董真昌書陳璘刻

慶善講寺碑記

崇正十七年吳本泰撰周鼎書

國朝

重修學宮碑記

順治十二年浙江提學僉事張安茂撰邑人王紹隆書

禹秦二王廟碑

董廷章撰

重築捍海塘碑記

康熙三年八月沈珩撰

天妃第五廟記

康熙六年守禦所千總李元各撰

重建奉真道院碑記

范驥撰

安國寺羅漢堂碑文

康熙十二年范驥撰并書

東寺記 康熙十二年范驥撰并書

圓通講院碑記 楊雍建撰

邑侯許公重建鎮海塔記 康熙十五年陳敦永撰

重修黃岡書院碑記 康熙十五年知縣許三禮撰

許公德政碑 康熙十五年查培繼撰

重建太歲真君廟碑 康熙十六年許三禮撰

宋安化王祠碑記 許三禮撰

石刻孝經 查嗣琪書

予寧堂法帖 陳奕禧書

蘭亭攷 查昇書

師獻堂記 康熙四十年知縣王任撰

葆真閣記 康熙五十年許汝霖撰

重建奉真道院記 康熙五十二年知府張恕可撰 邑人許汝霖書

海寧縣學重建明倫堂碑記 康熙六十一年查慎行撰 查嗣琛書

重建儒學記 康熙六十年仁和知縣署海寧事黃在瓚撰

彭鄔祖廟碑記 雍正三年衢州通判白豐撰 湖州通判康廷璧篆額 台州同知高其佐書

安國寺重修天王殿記 乾隆五年陳邦彥撰 并書

重修學宮碑記 乾隆二十三年知縣金鰲撰

海寧州志

卷之十六

雜志

灾祥

兵寇

軼事

天人相與之際微矣然天道主於扶持安全人事主於彌縫匡救則厥類惟彰璿諸簡策概可知也灾祥之外兼志兵寇所以示不可一日無備之意乃若往哲嘉言懿行瑣事枝談列傳未及詳而見於前人記載足以徵信者別爲蒐輯用廣見聞亦志之餘也統以雜志括之

灾祥

三國吳

大帝赤烏十二年六月戊戌寶鼎出臨平湖 吳錄

太元元年八月大風江海涌溢平地深入八尺 三國志吳書

歸命侯天璽元年臨平湖開 三國志吳書吳郡言臨平湖自漢末草穢壅塞今更

開通長老相傳此湖塞天下亂此湖開天下平又於湖邊得石函中有小石青白色長四寸廣二寸餘刻

上作皇帝字於是改元大赦永經注吳苑曰晉武時吳郡臨平岸崩出一石鼓扣之無聲張華曰可取蜀

中桐材刻作魚形扣之則鳴矣于是如言聲聞數十里劉遺民詩曰事有遠而合蜀桐鳴異石

金志按天璽元年即晉武帝咸寧二年距赤烏甚遠舊志併入寶鼎條下大誤又按通鑑湖開在八月至

旱崩疑在晉武平吳後以事異得附見焉

晉

安帝元興二年十一月...



安帝元興二年十月錢塘臨平湖水赤桓元諷吳郡使

言開除以爲已瑞俄而元敗晉書五行志

金志按錢塘鹽官已析縣湖或兩屬或割隸皆不可考舊志刪錢塘字不如存真以見蹟

宋

文帝元嘉十二年錢塘鹽官各縣民饑命揚州從事史

沈演之拯恤乃開倉賑饑刑獄有疑枉悉判遣之詳志

二十三年吳郡嘉興鹽官縣野稻自生三十許種揚州

刺史始興濬以聞宋書符瑞志

二十四年四月白雀產吳郡鹽官民家太守劉楨以聞

宋書符瑞志

齊

武帝永明元年八月鹽官內樂村木連理

南齊書符瑞志

七年六月鹽官縣獲白雀一頭

南齊書祥瑞志

九年鹽官縣石浦有海魚乘潮來水退不得去長三十

餘丈黑色無鱗未死有聲如牛土人呼為海鷲取其

肉食之

南齊書五行志

陳後主植明二年臨平湖草舊塞忽然自通

南史帝紀

金志按舊志下書後主自賣于寺以厭之今觀紀中歷叙災異而帝自賣佛寺欲以禳之非為湖通故也

唐

代宗大歷十年七月杭州海盜

唐書五行志

文宗太和六年五月折西觀家史丁公著卷九

代宗大歷十年七月杭州海溢

文宗太和六年五月浙西觀察使丁公著奏杭州八縣

灾疫賜米二萬石賑之唐書本紀

宋

神宗熙寧八年兩浙饑鹽官縣自三月地產物如珠可

食水產菜如茵可為菹饑民賴之宋史五行志

徽宗宣和四年鹽官海溢方勺泊宅編宣和壬寅鹽官海溢縣南至海四十里而水

之所鬻去邑聚纔數里邑人甚恐十一月降鐵符以鎮之按許志作政和壬寅壬寅乃宣和四年

孝宗淳熙十四年臨安府九縣饑發廩二十萬以賑文獻

通考按史五行志臨安府旱又本紀兩浙旱賑之

光宗紹熙元年春大疫詔免民丁身錢次年詔免逋租

許志

二年鹽官饑斗米千錢 許志

寧宗慶元三年秋鹽官螟 宋史五行志 外志作七月

四年大饑奉詔蠲租 許志 按宋史是年秋浙西薦饑多道殣

嘉定三年鹽官大雨水溺死者衆圮田廬市郭首種皆

腐 宋史五行志 案本紀三月以久雨決兩浙繫囚六月命有司行寬恤之政十有九條臨安府大水

賑之仍 蠲其租

嘉定十二年鹽官縣海失故道潮汐衝平野三十餘里

至是侵縣治蘆州港濱及上下管黃灣岡等鹽場皆

圯蜀山淪入海中聚落田疇失其半壞四郡田後六

年始平 宋史五行志

嘉定十七年海壞畿縣鹽官地數十里先是有巨魚橫

海岸民鬻食之海患共六年而平 宋史五行志

理宗端平四年大饑 外志

淳祐四年鹽官大饑 府志

元

成宗大德三年海決 許志注

六年饑 外志 按史是年六月杭州路饑賑糧

仁宗延祐元年九月鹽官州海溢陷地三十餘里 府志

泰定帝泰定元年八月杭州屬州縣饑 時屬州惟鹽官本紀兩浙水旱

壞田十二月癸亥杭州鹽官州海水大溢壞隄塹侵城

郭元史五行志

二年海決衝隄遣僧宏濟誛之許志

三年八月鹽官州大風海溢捍海隄崩廣三十餘里袤

二十里徙居民千二百五十家以避之元史五行志

四年正月鹽官州潮水大溢捍海隄崩二千餘步四月

復崩十九里元史五行志五月命天師張嗣成修醮禳之

按許志是年二月風潮大作壞州城郭四月八月潮患愈烈令天師致祭與史小異十月江浙

行省左丞脫歡答刺平章政事高昉以海溢病民請

解職不允元史本紀六月乙未發義粟賑鹽官饑民元史本紀

致和元年三月鹽官州海隄崩遣使禱祀造浮圖二百

十六用西僧法壓之四月鹽官州海溢元史五行志

文宗天歷元年鹽官州海潮免其秋糧夏稅元史食貨志

順帝至正十七年三月日晡有兩日交鬪開且合者千

百遍窻隙壁竇皆成兩圓影相盪陝川志

二十年秋九月晦初曉西南天裂數十丈光焰如火宿

鳥飛鳴村犬羣吠少時復合陝川志

明

太祖洪武二十三年海決衝沒石墩巡檢司許志

成祖永樂三年海溢詔免本年租稅許志按明史入  
月杭州屬縣多水

人 澹

六年海決陷沒赭山巡檢司 許志

九年七月海寧潮溢漂溺甚衆 明史五行志 流民六千七百

餘戶淪田幾二千頃 外志

十八年夏秋仁和海寧潮溢漂廬舍壞倉糧溺死三百

六十餘人 明史五行志 海寧諸縣民言潮沒海塘二千六

百餘丈延及吳家岸壩通政岳福亦言仁和海寧壞

長降等壩淪海千五百餘丈 許志 壞長安等壩陷東

岍赭山巖門山蜀山舊有海岸淤絕久故西岸潮愈

猛逃徙九千一百餘戶欠夏稅絲綿四萬餘斤糧三

萬餘石至洪熙元年...



萬餘石至洪熙元年乞恩優免流民復業 許志

宣宗宣德二年以海患詔免田租 外志

十二年八月海水溢 外志

英宗正統十二年八月海水溢 外志 按許志同惟府志作正統二年八月誤

景帝景泰二年夏大饑斗米百錢 外志

五年正月大雪連旬鳥雀俱死 外志 按明史四年十一月至明年孟春浙江

大雪數尺人畜凍死略同

英宗天順元年旱詔免被災處糧米 許志 按明史夏

糧七月杭州蝗府志九月杭州旱紀時小異

憲宗成化七年閏九月己未杭嘉湖紹四府海溢漂鹽

場滄田宅人畜無算遣工部侍郎李顥往祭海神築

堤岸明史

八年七月海溢

許志按府志杭州大風雨江海涌溢略同

十年海寧縣海決

書

十三年二月海決逼城

外志

二十三年秋大旱

外志

孝宗宏治十六年旱被賑

許志按明史是年浙江饑賑被災軍民略同

十七年復免秋糧

許志按明史二月免浙江被災稅糧略同

十八年九月壬辰夜地震

外志

武宗正德十二年四月甲子夜地震

外志按府志八月杭州地震

世宗嘉靖元年春夏大水田成巨河

外志按明史七月浙江旱詔講求

荒政府志春杭州旱三月大水互異

八年七月蝗

許志董穀云予素不識蝗是歲南還淮南北皆蝗舟為所阻甫至家而吳浙皆蝗矣

江南有蝗實助于此

九年海濱及于隄

外志

十年大水

許志按府志同

十八年大饑

許志按府志自三月不雨至六月井泉皆竭

二十二年二十三年薦饑

許志按府志二十三年大

災稅糧並合董穀碧里雜存四月熒惑見箕斗間麥粟無收吳蠶盡死六七月初再入斗中于時大旱米

貴民不堪命苗皆蟹死顆粒全無

武宗正德十一年四月甲子夜地震八月杭州地震

二十五年千戶湯執中池側產連理竹二時謂孝感許志

三十一年冬有虎四銜稻薪巢石墩民場許志居民驚避越數月一

虎失足礮石中死餘虎不復見蓋兵兆也明年倭復至

神宗萬歷元年六月杭寧四府海涌數丈沒廬舍人畜

不計其數明史



三年五月晦潮溢壞塘二千餘丈溺百餘人傷稼八萬

餘畝外志按明史六月戊辰浙江海溢府志六月初一日夜怪風震濤衝決江岸時日之異蓋各

據其最甚耳

十四年五月大水是年稔外志按明史夏浙江大水

十五年七月潮溢外志按明史是歲杭州江湖泛溢平地水深丈餘七月中颶風大作環

海數百里

十五年七月潮溢平地水深丈餘七月中秋颶風大作環

海數百里  
一望成湖

十六年大饑疫科臣楊文舉奉詔賑饑

許志 三月浙江大饑

疫

十七年大饑疫浮齒蔽水

許志 按明史六月甲申浙

圯碎官民船壓溺人邑志不載海  
患意五年石塘成後獨免衝決耶

八月地震 外志

二十二年五月海潰及于隄是月縣有瑞麥

許志

二十四年八月大水

許志 按明史書杭府旱又書秋

杭府五月不雨至七月八月雨如注狂風  
交作山洪暴發郊原皆成巨浸較史為詳

三十二年十一月十三夜地震

許志

三十六年五月大水不害稼有旨改漕仍發粟賑饑從

邑人董時等奏也外志

三十九年七月米涌貴坊市閉糴幾致亂許志按外

末米值一兩二錢坊市閉糴惡少攘奪者署縣通判胡承烈往陳參政門求糴承烈幾自刎陳許糴三日

乃定是後米價並不甚減似卽許志所書但庚申乃四十八年

熹宗天啓元年鄉間桃樹一花結實爲桃李外志

二年二月癸酉海寧地震明史許志闕

三年十二月二十二日地大震許志東鄉民家生羝三尾

八足怪而斃之外志

四年正月十一日震雷甚雨水色俱黑是年潮水蓄隄

許志 按外志 議

四年正月十一日震雷甚雨水色俱黑是年潮水暫限

**許志** 按外志議  
修築上下皆文具

莊烈帝崇正元年七月二十三日潮決深入平野二十

里漂溺人畜廬舍無算撫臣上其事秋糧折半 **許志**  
按

**明史**七月壬午浙江風雨海嘯壞  
民居數萬間溺數萬人海寧尤甚

**明吳本泰**濟上聞潮變紀懷詩孤踪猶泛梗闔室豈  
沉川急難應無地蒼茫或有天鶴鳴知失埳蟻渡想

攀舷恨不同生  
死風波夢裏傳



八年十一月二十六日地震 **外志**

十一年六月辛亥暮大風潮決城西至赭山溺人畜傷

**稼** **許志**

十二年正月二十二日夜神燈見郭店鎮可二十刻 **棗林**

雜俎

十三年秋米涌貴一石值四金

許志 按外志石值二兩明史五月浙江旱饑

十四年六月大旱蝗民饑疫鬻子女售田舍塗有餓殍

而賦稅加苛始苦田累

外志

十五年春夏米涌貴一石值三金人不聊生

許志 按府志是年

旱蝗

十二月城東三里橋有物偃于沙長二十餘丈高三

丈人呼為海象爭割之不盡流腐及秧田廟有取其

骨歸巨若梁棟

許志

國朝

順治二年五月翰林陳之遴門石師友孔因多其一安



國朝  
順治二年五月翰林陳之遴門石獅夜吼因移其一安

國寺

外志

三年桑生蝸牛食葉及豆苗幾盡

許志

四年四月大無麥米涌貴值三兩有奇

許志

五年冬至前三日鳳凰自海鹽至海寧向西北而去萬

鳥隨之約二十餘里

棗林雜俎

六年二月二十日黑雨如墨

許志

七月蝗十二月桃花成實

許志

十年六月大旱十二月木冰

許志

十二年四月朔潮溢沙崩逼城下

十三年六月螟九月二十九日春熙門外獲虎 許志

十五年正月二十四日夜流火燭天十月朔海水溢于

河 許志

十七年六月螟 許志 按府志是年饑

十八年六月大旱督撫請蠲以報遲凡徵在者准流免

次年 許志 按府志草木枯死斗米四百錢

康熙元年三月二十一日大雨雹 許志

三年六月二十六日飛雪閏六月三日海決入城壕

八月三日海潮大溢 許志

六年六月二十七日城西馬牧港飛雪 許志

七年六月十七日西河地大震次日也生白毛 府志

七年六月十七日酉刻地大震次日地生白毛

按許志

同

七月初六日潮溢

許志 按府志 秋大水潮溢

八年六月龍風為灾

許志 十九二十日連見龍起蜿蜒下洛塘南田中雲如火大風拔木

飛瓦損民居二十七日又見于東南鱗尾皆現徐投海去邑人言雙橋密氏婦指云惡龍俄而擲于隔溪

九年正月二十八日雪夜流星燭地聲如雷

許志

四月大雨河水溢禾稼渰死六月十三日大雨復溢

許志

析

金志按嵇太守宗孟踏荒行有海颶掀江漁下土七

書七迴雷雨驚及元老殷憂拜 帝疏蠲租丹詔  
暉雲外之句楊給事雍建和詩有武林九邑半  
漂沒立沛綸音遍閭里之句皆足補紀載之闕

十二月二十四日立春大雪盈尺至明年正月六日

始消盡占為旱兆

許志

十年夏大旱赤地

許志

官

稽宗孟海寧踏荒詩石門黃葉路烟火古長安河坼蹄涔合陽驕雀麥乾民依艱斥鹵歲儉惜盤餐未雨

憂方切荒城不忍看

圖

十一年八月霖雨傷稼生螟

許志

十三年正月霖雨至四月

許志

按府志自四月至六月初互異

十四年六月旱浴海沙塗墀垂盡七月漸漲

許志

許三禮祈雨祈海祝辭錄一憂旱為虐慮瀕作灾楫棹維艱亭竈其頽疇咨粒食饑渴孔哀爰申齋肅昭假靈臺甘霖速沛怒濤求回邑人紀事謹思饑思溺公曰予感孚號回天以引以迪甘雨滂沱海不揚波

神人致喜熙熙太和公不自居歸之天則父乾母坤  
徧為爾德迺宅我宅迺田我田安居飽食叙彝倫焉  
惟神是禋惟民是親  
匪寧獨私天下歸仁

十五年四月霖雨至五月害菽麥

許志

二十二年正月至四月久雨大無麥

黃承璉續志

四月鳳凰山海濱有魚孽長二十餘丈無鱗有白毫

人呼海象不堪食割肉熬油

續志

三十八年夏旱秋水大饑蠲賦

四十六年大旱饑

是年旱連數郡長水河乾圻  
曝書亭集有丁亥苦旱詩

四十七年四十八年四十九年薦饑

故老言戊子水已  
丑蝨庚寅秋水連

歲蠲賦然無  
卷續可稽

五十四年四月大霖雨風潮陡發海塘坍塌

六十年夏大旱苗槁河乾坵數百里至八月始雨漕米

改徵折色

〔查慎行詩〕稻根攀縮稻葉焦宿田稂莠方驕驕農夫告荒乞申訴踏勘翻逢官長怒催科之吏晨下鄉田今如此何云荒直須野無青草木黃落始信天殃魁行虐

六十一年旱灾

雍正元年夏大旱河坵粒米不收

二年夏旱七月十九日大風雨海決

淹沒農田東南西路近海處尤甚漂

去室廬無算若大厦則開門破壁任水出入幸畱椽瓦郭店袁花諸橋梁無一存者

〔查慎行紀事詩〕門前成巨浸屋裏納奔湍直怕連牆倒寧容一榻安卑憐蟲窟掩仰羨燕巢乾海闊天空

際誰知

際誰知寸步難

金志按敬業堂續集有海魚嘆并序云城西有巨魚隨潮約千餘斤潮退閣沙附近居民割而食之不半月而來海潮之禍又云吾里自甲辰海溢水土多成鹹味村家不種稻而種棉花至丁未年黃梅積雨土性復故乃得插秧

十月

詔賑被災饑民發帑七千兩有奇

八年八月大雨雹

十年螟饑

十一年三月雨雹冬饑賑給被雹貧民籽本緩徵田賦

乾隆九年二月雨雹

十二年七月大小山圩潮溢八月按畝給籽加賑口糧

一月

十一月初一日中小壘一夕開通

海塘通志中小壘沖開引河大溜經

由故道南北兩岸皆成坦途

館

十六年旱騰米石三金巡撫永貴題報海寧等五十七

州縣灾奉

詔按月加賑應徵銀米照例蠲緩

次年

正月知縣劉守成勸賑設七十二粥廠復自捐三百金議叙紀錄

二十年秋大風傷稼勘不成灾

特恩緩徵田賦

二十一年春米涌貴石值五金

士民分里捐賑及秋米價漸平題達議叙監生

馬彪給吏目銜應聖裁余之聆杭世  
騏陳文珩准作貢生餘給扁獎勵

二十二年二月晦雹不為灾東北鄉稍甚

二十三年夏秋霖雨傷稼及綿花冬無水雪



二十三年夏秋霍雨傷蠶及棉花冬無冰雪

二十七年秋七月大雨連綿田禾被浸西鄉尤甚巡撫  
莊有恭題報 詔令給賑加賑蠲糧緩徵給予籽  
種有差

浙江圖書館

浙江圖書館



浙江圖書館

浙江圖書館

兵寇

齊武帝永明三年富陽民唐寓之作亂會稽太守沈文季發吳嘉興海鹽鹽官民丁救之賊分兵出諸縣鹽官令蕭

元蔚避去

談氏外志

唐僖宗時黃巢倡亂羣盜所在結聚時周寶爲浙江鎮海軍節度使練兵固守判杭州爲八都各發兵戍之而鹽官居其一時主戍鹽官都者徐及也寶字上珪盧龍人

乾符間黃巢率衆二十萬攻臨安錢鏐出奇破之巢乃遁走鹽官今袁花東談山嶺有黃巢衙

朱蹕湖州安吉人建炎三年金人犯餘杭杭守臣康允之

退保赭山蹕白允之請率弓兵土軍前路拒敵使民得爲  
逃死計尋中流矢死赭山

德祐二年正月元伯顏至長安鎮其將唆都阿答海皆以  
兵來會宋丞相陳宜中違約不往伯顏乃進次臯亭丞相  
文天祥屯餘杭閩人林琦結集赭山忠義捍禦海道

元兵之伐宋也分兵三道入臨安董文炳領左軍沿江入  
海循海而南由華亭澉浦次于鹽官鹽官待援招之不下  
將佐請屠之文炳曰縣去臨安僅百里聲勢相連臨安約  
降已有成言吾輕殺一人卽害大計况屠一城乎于是遣  
人入城諭以大意守者遂降

元至正八年四月海寧州盜起 十七年江浙行省平章

慶童出鎮海寧二年盜息民阜召拜翰林學士承旨

明太祖嘗夢三人頭上有血以土傅之覺而語劉基將欲  
刑人基曰三人頭上有血此衆字也以土傅之得土得衆  
之象也後三日當驗越三日果海寧降上大喜悉以所畱  
刑者俾基縱之

劉誠意集

圖

嘉靖二十七年倭犯黃灣秦駐塢海鹽徙兒童欽等死之  
嘉靖三十二年夏四月倭四十二人自海鹽經袁花屯赭  
山數日杭州前衛指揮陳善道以民兵三百禦之陳乃叅  
將萬表壻方出師家人具饌大言曰吾滅此而後朝食遇

賊卽陷伏中萬將軍素好施有少林僧自幼行腳善鐵棍以鐵條貫古大錢八尺嘗德萬公欲救其壻以爲報且曰吾輩不願受中丞約集黨八十餘迎擊賊賊戰每搖白羽扇僧識爲蝴蝶陣令軍人簪榴花僧自張一蓋作採花狀賊帥二大王望見僧手卽反縛僧錐殺之并斃數賊我兵爭級至相傷僧怒揮蓋倭進迫之民兵皆烏合而潰善道獨戰于泥淖中鞞滑而仆遇害壯士潘賓王貴力鬪死數日倭縱掠江船而去指揮吳懋宣率僧兵搜巢遇遺賊數輩被創歸歿別部倭七十餘人流掠村落六月松陽知縣羅拱辰攝海鹽事以兵至先鋒項東岡覘虛實引數十人

抵石墩斬賊一級餘奔尖山祠項獨追入祠破其門無援  
被殺傷我十數人次日羅至已掠海舟去 三十三年倭  
攻邑城不克先是倭千人入海鹽自談山來屯黃灣掠袁  
花市焚掠甚慘南攻邑城不克掠轉塘徐氏復自袁花歷  
黃岡麥墩西北抵破石還歷談山所過數十里無人烟執  
廟灣周氏二諸生令負擔不任釘手足于樹殺之宿朱家  
柵守海道以布漬油然火于長竿徹夜如晝督撫王忬檄  
僉事羅拱辰參將盧鏜都指揮周應正來援忬行部諭師  
戰石墩傷狼兵百人倭掠黃灣談山周應正自崇敎寺進  
及黃山陣如半月形賊望而呼爲牛角陣兇之應正馬蹶

遇害失亡二千人應正先以事被劫奪職耻之盡捐貲募  
北兵千人赴浙時學憲阮鶚書勉之答曰兵法十圍五攻  
今賊勢甚衆急攻未得良策若有可乘之機當盡死力圖  
之必不敢後書至浹日而死賊乘勝立柵益淫掠我軍觀  
望莫敢前別賊舟二計九十一人赴石墩賊壘不納流掠  
崇德復抵邑城盧鐘戰廿里亭不利而退石墩賊掠袁花  
而東海鹽義民曹秩曹正以鄉兵迎敵賊不敢渡復屯黃  
灣旋出談山泛海次白塔山海鹽兵追敗之斬三百四十  
級俘三十一人九月倭舟一計四十三人泊石墩就炊民  
舍次日東掠海鹽渡東洋橋爲官兵敗逸十月倭百餘泊



石墩大舟一詭言官兵行汲暮而大掠解維遇官舟登陸  
丁總兵擊之俘十二人 三十四年正月倭三千餘人自  
海鹽西掠袁花載輜重由黃道湖抵硤石盜魁葉麻舊掠  
袁花一婦時攜以行賊過海鹽南關婦按轡語賊頗受其  
約束前鋒六騎按劍守硤石口時歲初人皆酣飲忽殺掠  
焚擄無算四月倭自海鹽來屯西鹽倉白都司兵敗失亡  
其半賊分屯袁花硤石焚掠相望硤賊踞惠力寺山巔樹  
大白旗出則樹歸則偃之掠婦女縲絲極裸辱之慘旋掠  
皂林北去五月倭千餘自海鹽經袁花明日暮掠長安初  
伴市飯飯畢遂分入客舍殺掠復寇杭城六月葉麻遣百

餘賊駕六舟至袁花取所劫婦婦有姿葉初嬖之居沙久  
一日思歸流涕葉遣還會徐海飲酣語葉欲娶此婦葉大  
怒故有是遣明日登舟至賊巢觴賀累日

嘉靖三十五年硤石錢燦作亂初胡總督宗憲嘗戰嘉興  
北麗橋而溺燦棹出之燦初犯法有舉其勇力遂從軍既  
怙功暴掠桐鄉諸生胡鶴齡約同逆謀泄燦斬捕卒及已  
妻子匿邑人許生家索之急次日與其黨蔡脅數百人于  
硤石揭竿置旗官兵追捕遁太湖或云入倭黨不知所終  
胡許獄死

崇正十七年鄭鴻逵率敗軍歸閩船由尖山海道覆沒過

崇正十七年鄭鴻逵率敗軍歸閩船由尖山海道覆沒過

半



浙江圖書館

海寧州志

卷之二十六

雜志

七

半

軼事



浙江圖書館

軼事

南齊顧歡母亡水漿不入口六七日廬於墓次遂隱不仕於剡天台山開館聚徒受業者常百人歡早孤讀詩至哀哀父母輒執書慟泣由是受學者廢蓼莪篇不復講焉晚節服食不與人通每旦出戶山鳥集其掌取食好黃老通解陰陽書爲數術多效弟子鮑靈綬門前有一樹大十餘圍上有精魅歡印樹樹卽枯死山陰白石村多邪病村人告訴求哀歡往村中爲講老子規地作獄有頃見狐狸鼯鼯自入獄中卽命殺之病者皆愈又有病邪者問歡歡曰家有何書曰惟有孝經歡曰可取仲

尼居置病人枕邊恭敬之自差也病者果愈後人問其

故答曰善禳惡正勝邪此病者所以差也 南史隱逸傳

梁戚袞少聰慧游學都下受三禮于國子助教劉文紹一

二年中大義略舉敬帝立為江州長史仍隨沈泰鎮南

豫州泰奔齊逼袞俱行後自齊逃還又隨程文季于呂

梁軍敗入周久之仍歸卒於始興王府錄事參軍 南史儒林

傳

顧越所居新坂黃岡世有鄉校由是顧氏多儒學武帝撰

經義選諸儒在所流通遣越還吳敷揚講說越徧該經

藝深明毛詩旁通異義特善莊老尤長論難兼工綴文

闕尺讀長七尺三寸美續晉音響書若鐘容止可觀武帝

嫺尺牘長七尺三寸美鬚音響若鐘容止可觀武帝

深贊美之南史儒林傳

宋張子韶兒時嘗夜行通衢足下若隱一物取視之乃庚金也久立不去俄見一婦倉惶來若有所失者亟問之婦告以故乃使取去既宦達有舉此事問其有意無意子韶曰爾時吾年甚幼但知人物應還他人豈論有意無意

張子韶手執扇每經數夏破即補之一革履汗敝亦不易烏巾以疏布為之漬以墨汁夏月汗或致墨汁流面亦不問筆用秃筆紙用故紙以至衣服飲食皆不擇嘗曰

我見世人役役然爲此身所擾自早至夜應付不暇何也

張子韶與鹽官丞黃元功善後子韶在禮部元功爲吏部郎一日元功過不吐一辭若有不相悅者子韶避席前曰先生無恙而若有憂色何也元功曰我何憂哉吾聞子一事爲子憂耳子韶驚問何事元功曰某文字子豈當作耶子韶曰實不曾作元功曰如此則吾無憂矣遂大笑而去子韶感之甚曰使師友人人如黃先生日在吾左右前後吾何憂不爲善人君子哉

子韶未貶南安時一日寓鹽官小蘭若忽夢水行陸步遠



子韶未貶南安時一日寓藍宮小蘭若忽夢水行陸步遠  
至一所城郭山川風俗人物的的在目已亦寓一蘭若  
似悒悒不樂者覺而記之不數日有南安之命及抵其  
處宛如夢中舊遊事固有前定者

子韶居南安恒與子姪說書至夜分有一老兵常侍左右  
令之去不可曰每聽侍郎說書便喜忘其眠食公笑曰  
不意到此乃見知老兵

以上俱橫浦語錄

施彥執一日賦楊柳有春風兩岸客來往紅日一川鶯去  
畱之句無垢見之曰此吾友彥執詩也不見柳而柳自  
在其中詩之工未有過于此者

吳夢非志餘

張子韶祭彥執文云公生不娶至于絕嗣不幸有伯牛之

疾原憲之貧而氣高斗牛文摛雲錦行潔冰霜識高今  
古又云予素寡交生平朋友不過四人姚葉先亡公今  
繼去予之悲苦當何如耶夫彥執天下奇窮非子韶雅  
相推轂其不至于湮沒者幾希

子憲者子韶甥也素不拜僧一日侍舅氏會臬老子韶令  
拜之憲不從子韶曰汝姑扣之憲遂舉中庸天命之謂  
性三語以問臬老曰天命之謂性便是清淨法身率性  
之謂道便是圓滿報身脩道之謂教便是千百億化身  
憲以告子韶曰汝拜何辭憲曰臬公于父母無拜法憲  
拜臬公何法子韶曰子莫是禹聞善言否乃笑而揖之

卒不拜 語錄

樊光遠爲南宮首汪應辰魁天下張子韶轉對上曰朕妙  
選多士而魁殿省者皆卿門人深用嘉嘆卿以何術致  
然公曰昔夏侯勝矜語門人謂士患不明經經旨苟明  
取青紫如拾芥臣嘗鄙之明經所以立身行已而致君  
澤民儻以是爲取青紫之資則得失亂其中榮辱奪其  
外始焉苟得終必患失張禹孔光阿合苟容以成漢室  
之變是志在青紫所致也臣惟知講明經術景行前修  
庶幾克盡忠孝耳上嘉歎久之

張容木橫  
浦家傳

秦檜以孫女嫁郭知運自答聘書云某人東第華宗南宮

妙選乃肯不卑于作贅何詞可拒于盟言其夫人欲去  
贅字會之曰必如此乃束縛得定聞者笑之蓋當時秦  
欲籠絡次張而次張不受已聘而復絕之故秦檜有十

客郭知運離婚為逐客也

陸游老學  
菴筆記

紹興二十九年閏六月雷震前數日上管場亭戶顧謙德

妻張氏夢當死雷斧覺而大恐流淚悲噎姑問之不以

實對時風起晝晦張知必死因念姑老矣奈驚怖何潛

易服出屋外桑下立以俟俄雷電交至空中呼張氏曰

汝實當死以一念孝赦汝又曰汝歸益為善并語世人

也

周密癸  
辛雜識

魏鶴山送劉寺丞扈赴浙西提舉鹽官縣以海漂蕩命劉  
措置詩云君王位三極五氣咸宣昭有一弗余若引咎  
自己招如何圻甸間靈胥敢爲妖母謂一指摘能使身  
無聊是用宣撫使汝往鋤其驕將指得若人譴異不足  
消水生乎天一陽實爲根苗疏通乃循軌壅塞逾驚漂  
是理與政通更當省厥徭績成報天子鳴佩行青霄

魏了

翁鶴山集

元賈銘以功授衛指揮年百六歲嘗晝夢緋衣策駿而西  
遇女子服從甚都下與拜曰自月宮來送彭祖殯指前  
塚就觀之旣寤適劉基寄壽山福海圖繫以詩銘知其

兆越三日辭世劉誠意文集

劉誠意應氏墓菴記至正辛卯冬予既銘應君和卿之墓矣其子元亨又以賈希賢之書來請曰元亨之先人隱居于鄉不求聞于公卿先生不遺草萊而賜之銘今死者已即安于土中謹築于其旁為間十有二買田以供祭祀為畝十有九懼來者之弗獲承也先生幸卒記之遂為之辭曰惟海寧以州隸杭面海負山厥土廣斥塗泥民質以良有鄉長平里曰黃岡應氏居之世載德以

昌

詳劉誠意文集

金志按誠意所作墓銘云應聞禮字和卿居海寧之黃岡葬于長平之草營岡據此則草營岡去黃岡新

舊兩鹽倉當不遠  
然墓竟無可考矣

張天雨字伯雨茅山道士元末以詩名閩人徐惟起與公  
藏書有鈔本句曲外史集分上下兩卷共詩三百五十  
餘首每卷首第二行吳郡海昌張天雨著偶從書賈購  
得之世傳伯雨錢唐人墓在南屏劉伯溫銘其墓云六  
世祖諱九成明姚公綬所作墓誌銘及傳亦云伯雨錢  
唐人又云宋崇國文忠公九成之裔文忠爲海昌人則  
伯雨非錢唐可知今依詩集爲斷若得好事者與文忠  
集合刻爲一書亦邑乘人文盛事也

查慎行得  
樹樓雜鈔

明劉基寓黃灣賈萬戶家爲擇一牛眠地于尖山之北訖

二日忽大風吹金箔一片止梁上先生曰汝家世金帶  
與國同休後明祖龍興賈之子以汗馬功各為指揮子

孫世襲 劉文成  
行狀

館

海寧胡奎字虛白寧府教授嘗歸自江西泊舟番郡之望

湖亭見亭上石刻東坡黑雲推雨未遮山一絕次韻和

之書之於壁忽見一叟來誦其詩曰子非斗南老人耶

乃為長揖舉手不知所在因以斗南老人自號 列朝  
詩集

正統間胡虛白與錢唐王致道號蘭楚皆一時詩人嘗見

其詠女史詩今各錄其一題者二首胡題楊妃教鸚鵡

念心經詩云春寒卯酒睡初醒笑倚東窻小玉屏早悟

眼前空是色 心不披鴉鵲念心經 王頂詩云 禁苑春香見



眼前空是色不教鸚鵡念心經王題詩云禁苑養嬌兒  
兒嬌母命危褒邪山路險不似在宮時胡題綠珠墜樓  
云花飛金谷彩雲空玉笛吹殘步障風枉費明珠三百  
斛荆釵那及嫁梁鴻王云主難因妾起妾心安肯違身  
爲金谷土魂作彩雲飛冲雅規刺皆得風人遺意

郎瑛七修

類稿

海寧塔下陳玉善畫山水其父年五十忽欲讀書坐閉一

室晝夜不息者五年遂成詩人嘗題賈似道湖山圖云

山上樓臺湖上船平章醉後嬾朝天羽書莫報樊城急

新得蛾眉正少年意境頗佳

七修類稿

金志按陳王之父失載名字嘗見李騰鵬所選皇明詩統載陳雖字惟肅海寧人未知卽其人否詩題乃葛嶺懷古與此互異明詩  
綜載此詩與詩統正合

薛文清年十二能詩賦從父貞爲元代教諭永嘉徐懷玉

高密魏希文濟南王泰亨海寧李大亨范汝舟皆元舊

儒謫戍玉田貞延爲瑄師於是大悟悉去詩賦而從講

伊洛之學文清一代大儒亦吾寧有以啓之

談氏外志

董蘿石年六十有八以能詩聞江湖間與鄉之業詩者十

數輩爲詩社旦夕吟哦至廢寢食遺生業時俗共非笑

之不顧遊會稽陽明子方與其徒講學山中以杖肩瓢

笠詩卷訪入門長揖上坐陽明子異其氣貌且年老禮

笠詩卷訪入門長揖上坐陽明子異其氣貌且年老禮

敬之又詢知其為董蘿石也與之語終日夜不倦蘿石

禮彌謙辭彌下不覺其席之彌側也遂自號從吾道人

詳王文成從

吾道人說

館

蘿石從陽明講學年長于陽明明年從其師越中守歲風

雪夜賦詩所云六十九年今夜深是也陽明和韻云況

有故人千里至不知今夜一年除後為序其事云道人

今年已七十往來湖山之間去住蕭然曾不知有家室

其子穀賢而孝謂道人者矣出輒長跪請留道人笑曰

爾之愛我也以姑息吾方友天下善士以與古聖賢為

徒天地且逆旅奚必一畝之宮而後為吾舍耶嘗有山

居吟云青山遶湖茆結廬饑餐渴飲事無餘是非欲付

樵與漁洵達者之言也 朱彝尊靜志居詩話

許雲邨淡于宦情居紫雲山四十年風花雪瀑游屐遍於

巖椒而不一入城市其卒也聞人嘉言輒以詩云平生

城市無雙屐何物榮衰到兩眉蓋實錄也詩取適意集

出其手刪又自題絕句云雲村病老語多咙造次詩成

雜宋腔還溯開元論風格拾遺壇上樹旌幢由今誦之

諸體亦清潤不全雜以宋腔也若老如舊歷渾無用病

戀殘燈亦漸明此則宋腔之佳者 靜志居詩話

京尹查性甫為諸生時夢受杖暗室中仰見廟額懸天上

齊回四字後任石科給事中上疏劾嚴嵩父子召廷杖

京尹查性甫爲諸生時夢受杖暗室中仰見廟額懸天上

春回四字後任戶科給事中上疏劾嚴嵩父子詔廷杖

六十謫定邊典史恍惚前夢因賦詩云九重天上春回

日二十年前夢裏身 同上 館

許稚則一官不達意薄淮揚散髮歸田陶潛之屋不豐范

蠡之舟偏小籃輿竹杖紙帳繩牀雅饒樂趣所云愛官

何似愛吾廬也詩取適意無意求工蓋本于香山擊壤

同上

正德甲戌硤石沈祐于紫薇山土中得異石無數如斧鉞

者圭璧者方者圓者短而長者僅厚二三分周圍口九

廉薄各有圓竅竅皆倒櫛黃白黑綠各不同光潔工巧

人爲有所不如見者皆以爲霹靂砧而藏之嘉靖丁巳  
黃灣馬氏開山作壙亦于土中得如前者十六枚其形  
極相似白者光可鑑豈卽器車之類乎

祝虛齋萃以提學副使家居四方從游者甚衆名士多出  
其門訓子有方時繼臯年已長必令衣粗布綺絹禁絕  
不用每膳以精者奉親而以脫粟與其子恐其齷齪養

而恣情也後繼臯亦顯

錢懋登  
裝厚語

祝虛齋官工部時有以金罍私遺者虛齋固卻之後受賄  
者坐累虛齋得免鄰居莫氏嘗以屋來售虛齋止之時  
周其乏嘗云我願恤鄰人卽我之家人也何必取其地

然後爲我有談遷外志

海鹽吳方伯昂少時裋褐革履負書從海寧祝員外萃就

河濱濯足而進祝先生奇其人欲試之曰生來晚室滿

無所置生惟一牛屋幸無牛生可居乎昂欣然解衣共

家人掃除受書坐牛屋中晝夜誦不輟歲暮告歸除夕

上母壽訖即走百里來元旦方啓門吳生儼然進謁拜

罷復請授書矣

戚元佐橋江李往哲傳

徐容齋寬幼偕羣兒戲海上值兵憲騶從過呼前屬對命

句云海天雲淡暮潮平徐應聲曰江漢雪消春水漲兵

憲大奇之即移送入泮

吳吏部紀聞

錢琦字公良少貧裹糧往師祝虛齋處之外舍有婦夜奔

公良毅然卻之聲色俱厲虛齋加禮敬焉遂為上客令

子繼臯師事之

胡震亨海鹽圖經

許台仲有父喪舉葬題主鄉俗必丐貴宦為榮台仲曰眼

前高官不乏若年高有德終讓西村老布衣耳即命駕

造請臨喪次成禮西村老布衣蓋朱朴也

海鹽圖經

許杞山為夏文愍所重文愍召起道經嘉禾以書致之與

決進止于時藩臬郡縣艤舟趨候道相望也先生葛巾

野服刺一小舸詣夏夏問僕此出何如杞山不答第言

可惜李長源卻受觀察判官夏正襟起謝曰謹奉教便



當疏辭須臾撾鼓迴帆顧諸候船一時星散去夏憮然  
不果辭卒及于難又夏貴溪嘗遣使招許杞山云明天  
子在上故人忝備政府杞山口報曰告乃公位高者勞  
不佞有罷癯之疾不能從也有爲黃門索京師故人書  
則曰有我訊者第言厭世去矣聞者絕倒傳之都下縉  
紳有不得遠中書率舉此相謔爲口實云

許志

許黃門相卿借孫太初一元董從吾濠秋八月游永安湖  
放舟中流黃門舉酒屬太初曰昔青蓮居士與張謂游  
漢陽湖遂改名郎官公今至此可名高士湖矣許詩云  
一年好月是中秋向夕呼舟抱病遊大地清暉翻白晝

良宵逸興屬滄洲湖山夜色孤篷遠天水寒光兩鏡浮  
酣坐不知吟嘯求闌干北斗挂峰頭孫詩云中秋此地  
成高會山雨初收澍墅隈望裏星河舟楫近坐中滄海  
酒杯開月明靜抱鼉鼉出樹色晴浮島嶼來爛醉長歌  
真自得回頭天地莫生哀董詩云青山影裏進扁舟海  
色湖光併作秋午夜雲濤悲玉笛九天風露溼瓊樓直  
凌牛斗同清泛應有魚龍識醉遊萬里長空傳浩嘯冷  
然鸞鳳在滄洲

浙

閩中孫太白山人與許九杞善山人寓南屏山一鶴自隨  
九杞爲買鶴田歲輸糧于萬峰深處而納券曰太白山

九杞爲買鶴田歲輸糧于萬峰深處而納券曰九杞  
人鶴田在九杞山書院之陽倚山面湖左林右涂廣縱  
若干步歲入粟若干石有奇以其奇爲道里費而歸成  
數于西湖南屏山歎歲汰其半以九杞潤筆金取盈焉  
佃之者主人之鄰李仁輪之者主人之僕歸義董之者  
主人之弟檣卿主人謂誰山人之友杞泉子許台仲甫  
也後失鶴太白書來云鶴一夕忽飛去竟不追尋且遂

其初性耳

許黃門集

郡丞查志文字鳴周無爲州司蘆稅時兼署州邑時巡蘆  
江上風暴作舟覆漂流數里兀坐舟內一吏捧二印與  
俱見漢壽亭侯護之忘其在波濤中也偶賈者過聞覆

舟內有聲鑿而出之識者以為循吏之報

海昌外志

孫子良少游袁伯善胡虛白之門喜洽詩後以事謫交趾

著螺城集按交趾古螺城有螺池古安陽王洗珠處集

中題胡人挽弓圖詩云交河戰罷靜胡塵更有何人放

馬羣獨挽雕弓莫回首雁門還有李將軍

海昌外志

浙汜遺農者待軒先生張元帖氏也初名允昌字孺文舉

孝行更名次仲字元帖童時太孺人病篤刲股肉以進

而愈里人舉於縣致撫按旌表先生謂此乃童稚無知

之事奈何以此得名譽終身私淑陽明謂致良知是千

古相傳之的如人皆有所不忍不為是良知達之于所

忍所為而不可勝用是致良知不為不致是良知無為

忍所爲而不可勝用是致良知不爲不欲是良知無爲  
所不爲無欲所不欲是致良知餘可類推也

陸嘉淑辛齋遺集

陸冰修云朱近修文名早擅遽避地江東屈志百里尤以  
才略見長歸欲披緇以老而從游弟子力强之說經因  
主文社太邛之交道日廣州來之縉紉彌多古今詩不  
事矜練而詞采斐然五言如十暑杜陵葛一寒范叔袍  
秋懸游子夢日落異鄉山山容初遇雨水氣忽生秋青  
山寒照日黃葉晚從風七言如牧馬官同張萬歲進賢  
賞竝鄂千秋關河秋色三千里風雨冬青十二樓長江  
險失韓擒虎智井春埋張麗華三楚烽烟新幕府六朝

烟雨舊樓臺瀑布秋風搖練影石梁新雨糝藤花皆音

響鏗鏘猶是歷下四溟敵手

靜志居詩話

談遷字仲木一字灌若熟于明朝典故所著國權一書已

入史館先生嘗言明季時從科臣李清之議追諡景皇

帝廟號曰代宗當時咸以為當不知唐之代宗即世宗

也避太宗諱故稱代明朝廟號已有世宗復有代宗是

一朝而兩世宗矣

得樹樓雜鈔

湯煥字鄰初吾邑硤石人以善書名嘗手摹褚河南薛少

保千文二帖刻于石其戚徐李二生各得其一徐氏一

石今歸竹垞李氏石聞在海鹽不知落何人手矣

得樹樓雜鈔

鈔

許大理檣卿少受經于從兄黃門公公督之甚嚴既長受  
室稍怠則長跪譙呵之訖成進士檣卿至老每侍黃門  
端坐鞠躬不敢廢弟節又黃門異母弟桐卿居常事伯  
兄甘毳必以薦晦朔衣冠以拜黃門性嚴重兩弟事之  
終身如父

許星石  
家傳

圖

董御史學性醇謹宦歸見其子營堂宇頗闕敞意甚怏怏  
遲迴不卽入因封公在堂勉就其居一日僕被人毒毆  
族長者告之則曰此奴忤人固當如是竟置不校

許令典罷淮陽太守歸橐蕭然先是淮守莅任時郡爲治

海寧州志 卷之十一  
器具金飾甚夥計值三千金守去卽攜歸新守至復治  
以進許解任日悉貯庫註之印冊俾新舊相授無得入  
私帑張次仲孝廉嘗述其事 許志

林侯盜掛冠去日諸生姚黃獨身擔簦從之歸侯官林嘗  
攜一繭袍示之曰此自爾海寧製者約費白金十兩吾  
過矣外此無長物姚後以有母辭歸林雨中寫竹以贈  
題詩云美人陷江濟風雨阻何深不謂烟波裏便無明  
月心

浙

林恭章在任署有女魅蛾眉螭首艷冶絕世或燕居時女  
輒爲之和墨薙掃林絕不屑意人以此服其定力



輒爲之和墨雜掃林絕不屑意人以此服其定力  
林恭章令寧時一夕夢緋衣神謂宜早視事俄公退後堂

三楹傾焉祝以幽爲作仁侯異夢行

詒美  
堂集

粵西平樂府江萬山夾峙驚濤怒波中怪石林立舟觸輒  
壞萬歷間邑人朱履儀任平樂府同知時蔡中丞舉開  
江之役屬履儀乃募得土舍黃仲拙議製三角船千斤  
撞五爪龍蜈蚣鏟諸器匠心獨創籠石維舟架木懸筵  
百夫鵠立瀾瀑中前牽後掣橫空下擊計平二十大灘  
諸小灘不計翁觀察汝進紀之有圖說可考

王雄字景陽正統十年以人才舉授後軍督府經歷扈蹕  
北行陷土木喜寧說降不屈拘脫脫不花營罰餒馬作

滿江紅詞以見志後奉駕南還未見擢用遽告疾歸雄  
 聘崔氏未及婚入京扈駕以北人傳雄已死崔父母欲  
 奪之不從後雄南還館於都門朱氏強贅為壻父母大  
 恚崔持愈堅曰夫之不死幸矣雖贅必不負吾不二年

雄謝病歸卒偕老云俱許令志

海寧王鳳岡尉武榮為邑修築壞城開濬畝澮除治闕蠲

事甚周詳又能詩畫嘗潔治一室文酒雜陳有翛然物

外之致詳何喬遠王尉功德記序

浙

陳中漸之祀鄉賢也明日祠之左楹芝生連三日其數七  
 至九廣六七寸或三四寸色紫狀若牡丹香絕芬馥邑

人嘆爲奇瑞太常兄弟署其樓曰紫芝樓

王樾登記

萬歷十六年亢旱禾盡槁求雨不得邑令陳公所敏乃仗

劍斬龍王廟之龍首須臾怒潮奔涌殿中柱礎皆沒官

吏望海拜有頃潮乃退

趙氏備攷

許志按萬歷十六年知縣乃尤公應魯非陳也尤之先爲陳公楚廉亦非諱所敏者書以俟攷

祝開美篤志于學嘗痛氣質之偏克治不力因立目自警

曰妄語曰忿戾曰急躁曰縱耳目口腹肢體之欲曰多

憂過計隨俗波靡曰表裏背違作僞欺世曰始終易轍

亡恒自欺其言曰閑邪存其誠修己以敬敬誠之道慎

獨而已一息尙存不容少懈有犯輒長跪自責書于室

曰某月日以某過跪一次自訟之嚴如此

見聞錄

甲申之變海鹽吳磊齋死之開美就其邸治殮又經紀其

喪歸時國新破賊勢方張京師塗炭開美周旋兵刃間

益難也

見聞錄

書

祝開美淵于乙酉閏六月五日扼吭而絕遺書有云癸酉

之捷非予志也沒後不得稱孝廉埋石不得紀某科中

式書旌明草莽小臣祝淵極弗違吾言以貽地下之恨

又賦詩云夜既央兮燈火微魂搖搖兮魄將離離去兄

弟兮父母依樂逍遙兮長不歸

談氏外志

海昌有窮經之士二人曰朱康流張元帖短簷破屋皆拚

數十年之力曉風夜雨沉冥其中兩人皆遭喪亂而皆能以經術顯則人力信乎可與天爭矣

黃宗羲南雷文集

海寧趙郭村文學郭天生于天啓壬戌年廿二歲時臥病昏憤見有四青衣圓帽如承差者踰窻而入手捧牌票有天生名天生疑爲督學催考也卽隨之去四人仍從窻躍而出天生亦如之回顧本身猶偃臥在牀也比至一官衙前甚壯麗甬道寬闊數十丈四人引至左首廨宇內周圍木欄如犴狴狀因置天生其中見投文放告謁見會審者肩摩雜沓如人間須臾晚晚便有號燈數十盞如貢院東西文場照耀明亮頃之聞陞堂鼓九下

四人牽天生出唱名天生卽見此身無巾幘腰間已繫  
白裙矣第一門頤而皙者冠帶點名年纔二十許第二  
門黑而髯者冠帶點名年可五十許比至大殿前階級  
數十丈樓閣巍煥如帝室皇居逐人唱名繇東階上西  
階下天生震恐歷階而上遙見南面聽政者冕旒綠袍  
黑面天生始悟爲閻君非文宗也因慟哭而前攀桌腳  
求生甚急閻君曰取簿來有判官捧簿進閻君示天生  
曰汝數已盡試閱之天生又哀懇不已閻君又云取卷  
來卽見前頤皙者庭叅畢捧手本進閻君翻閱再三又  
呼取卷來又見前黑髯者庭叅畢捧卷數十冊進閻君

又閱再三方首肯用硃批簿上示天生云汝有陰功再加一十八年書法鮮麗可愛天生喜躍而出至道左徘徊不識歸路適與伊祖遇祖曰汝來安得歸耶正躊躇間見有龐眉皓齒以杖繫葫蘆者祖曰吾孫不得歸須君神藥煩爲賜之老者卽傾三粒如硃砂色天生翹首見道旁大宅有天醫院三字然以渴甚不能嚥祖卽向道上小兒囑其取水小兒取一碗與天生嚥藥藥下卽覺心目頓開精神陡復忽然而甦香氣滿室經日不散從此遂痊至陰功一事余亦叩之則天啓間武林大火天生時寓佑聖觀遇闍婦負一箱內皆重資於人叢中

誤付天生天生急辨其非而閩俗不通杭語婦人遂去  
天生攜藏別家仍於原處守候果見舊婦偕一女子攜  
手而來號泣尋覓天生令其女守箱偕婦往路旁認夫  
邀而還之纖毫不染當是此一事云

陸圻冥報錄

海寧接濟村文學陸元夫家僕背主誣訟不法別投越二  
十年乙未六月十一日舊主郎君病故是月廿四日僕  
到墳樵採郎君形見似撲其首者即倉皇渡水走歸發  
熱叫呼兩目俱瞎

同上

浙

海寧雒塘文學周某甲午病故止遺一子次年復天文學  
故各族治家嚴正素不喜僧尼輩出入小祥後居旁有



故各族治家嚴正素不喜僧尼輩出入小祥後居旁有  
尼掉舟至宅以臘八勝會請文學母夫人拈香并及未  
亡人語未竟忽仆地大呼大相公饒我噴血滿地復作  
文學語數以無故到家之罪又叩頭作乞命狀母夫人  
驚惶呼婢點姜湯灌醒亟扶下舟歸菴啖口追薦不應  
迄今二十餘日咕嚕如故吐血不止

同上

查孝廉繼佐字伊璜才華豐艷而風情瀟灑常謂滿眼悠  
悠不堪酬對海內奇傑非從塵埃中物色未可得也家  
居歲暮命酒獨酌頃之愁雲四合雪大如掌因緩步至  
門冀有乘輿佳客相與賞翫見一丐者避雪廡下強直  
而立孝廉熟視良久心竊異之因呼之入坐而問曰我

聞街市間有手不曳杖口若啣枚敝衣枵腹而無饑寒之色人皆稱爲鐵丐者是汝耶曰是也問能飲乎曰能因令侍童以壺中餘酒傾甌與飲丐者舉壺立盡孝廉大喜復熾炭發醅與之約曰汝以甌飲我以卮酬竭此醅乃止丐盡三十餘甌無醉容而孝廉頽臥胡牀矣侍童扶掖入內丐逡巡出仍宿廡下達旦雪霽孝廉酒醒謂其家人曰我昨與鐵丐對飲甚懽觀其衣極藍縷何以禦此嚴寒亟以我絮袍與之丐披袍而去亦不求見致謝明年孝廉寄寓杭之長明寺暮春之初偕侶攜觴薄遊湖上忽遇前丐于放鶴亭側露肘跣足昂首獨行

復挈之歸寺詢以舊袍所在曰時當春杪安用此爲已  
質錢付酒家矣孝廉奇其言因問曾讀書識字否丐曰  
不讀書識字不至爲丐也孝廉悚然心動薰沐而衣履  
之徐諗其姓氏里居丐曰僕系出延陵心儀曲逆家居  
粵海名曰六奇祇以早失父兄性好飲博遂致落拓江  
湖流轉至此因念叩門乞食昔賢不免僕何人斯敢以  
爲污不謂獲遵明公賞于風塵之外推以推解之恩僕  
雖非淮陰少年然一飯之惠其敢忘乎孝廉亟起而捉  
其臂曰吳生固海內奇傑也我以酒友目吳生失吳生  
矣仍命寺僧沽梨花春一石相與日夕痛飲盤桓累月

贈以屏履之資遣歸粵東六奇世居潮州爲吳觀察道  
夫之後略涉詩書耽遊盧雉失業蕩產寄身郵卒故於  
關河孔道險阻形勝無不諳熟維時天下初定王師  
由浙入廣舳艫相銜旌旗鉦鼓喧耀數百里不絕凡所  
過都邑人民避匿村谷間路無行人六奇獨貿貿然來  
邏兵執送麾下因請見主帥備陳粵中形勢傳檄可定  
奇有義結弟兄三十人素號雄武祇以四海無主擁衆  
據土弄兵潢池方今九五當陽天旅南下正烝庶俟蘇  
之會豪傑効用之秋苟假奇以遊劄三十道先往馳諭  
散給羣豪近者迎降遠者響應不踰月而破竹之形成

矣如其言行之粵地悉平由是六奇運箸之謀所投必  
合扛鼎之勇無堅不破征閩討蜀屢立奇功數年之間  
位至通省水陸提督當六奇流落不偶時自分以汚賤  
終一遇查孝廉假袍衡門贈金蕭寺且有海內奇傑之  
譽遂心喜自負獲以奮跡行伍進秩元戎嘗言天下有  
一人知己無若查孝廉者康熙初開府循州卽遣牙將  
持三千金存其家另奉書幣邀致孝廉來粵供帳舟輿  
俱極腆備將度梅嶺吳公子已迎候道左執禮甚恭樓  
船簫鼓由胥江順流而南凡轄下文武僚屬無不願見  
查先生爭先饋貽篋綺囊珠不可勝紀去州城二十里

吳躬自出迎八騶前馳千兵後擁導從儀衛上擬侯王  
旣迎孝廉至府則蒲伏泥首自稱昔年賤丐非遇先生  
何有今日幸先生辱臨糜丐之身未足酬德居一載軍  
事旁午凡得查先生一言無不立應義取之資幾至鉅  
萬其歸也復以三千金贈行曰非敢云報聊以誌淮陰  
少年之感耳後孝廉緣事論極典吳力爲奏辯得免孝  
廉益放情詩酒盡出其橐中裝買美鬟十二教以歌舞  
每于良宵開讌垂簾張燈珠聲花貌艷徹簾外觀者醉  
心孝廉夫人亦妙解音律親爲家伎拍板正其曲謨以  
此查氏女樂遂爲浙中名部昔孝廉之在幕府也園林

極勝中有英石峯一座高可二丈許嵌空玲瓏若出鬼  
製孝廉極所心賞題曰縹雲閣旬往視忽失此石則已  
命載巨艦送至孝廉家矣涉江踰嶺費亦千緡今孝廉  
既沒青蛾老去林荒池涸而英石峯巋然尙存

鈕玉樵  
觚賸

國朝楊以齋通政初爲給事中上諫獵疏 上震怒親

幸南海子召九卿以下至瞭鷹臺然後召楊入諭以安  
不忘危之意責以沽名天威甚厲衆皆危懼然 上

實獎其敢言有意進用之康熙初彗星見上天變修省  
疏廷議遣滿洲大臣巡方上疏止之凡所論奏皆關天  
下大計給事中舊司封駁久廢不行楊獨行之直聲震

一時王士正池北偶談

陳子文戶部詩斜日一川河水北秋山萬點益門西未入

蜀者不知其寫景之妙自黔南歸將補南安守未幾病

卒蔣靜山哭之云已無飛鳥驚虵蹟更失嶽崎歷落人

子文書名當代人尤豪雋漁洋詩話

海昌祝安道諱翼模績學苦志年三十餘不第康熙丁巳

開科鄉試國子生祝安道由廩援例赴試試前投詞杭

州府城隍願減算求第以慰老親之望以遂平生之志

是科復不售至庚午辛未聯捷榜後族人之宦于京師

及同公車數人酌酒相賀安道愀然舉此公案族人皆



以爲不祥未幾果病族人因共謁都城隍欲爲懺悔銷  
釋祈一籤首句云昔年相許今已諧衆懼然咸知不免

月餘竟卒于京師

述異記

館

康熙二十五年園花鍾祝去非庭前每夜有白光月餘不  
滅怪而掘之有物類人形重六七十斤首面臂股悉具  
但手足指不分耳胯中無物有葫蘆一枚先是庭中有  
瓜蔓一本已一二百年每年藥肆買去瓜蔓甚多此物  
正其根乃天花粉也惜爲肆中割裂貨之祝驤霞親見  
之又三十四年霍雨連月平湖馬子發室中牆壞偶築  
牆址掘出枸杞根一枚正如狗形重三十餘斤衆以爲

仙品上藥索價數百金無售者親友共割而貨之此二物不遇識者為俗人所分可惜也

述異記

查州嗣韓素怯弱嘗讀書寒家之無倦軒予勸慰曰子至此而午夜呶唔何急功名而薄性命耶答曰吾非不知曾夢神人示之以詩有五色雲中第二名之句是以戀戀冀其一驗耳後果以五經鄉薦中榜眼及第

劉廷

璣在園雜志

康熙丁卯順天鄉試海寧查嗣韓侯官林文英皆全作五經題文以違例不准膳錄榜發後監試御史陸祖修疏二人名以聞上許其一體會試戊辰俱成進士登

詞苑蓋特典也

鮪臙

楊少司馬雍正甲午北京鄉試闈中夢見一人提燈籠大書兵部二字照之不去是科中式次年聯捷尋以行取授兵科給事嘗曰得毋功名止此耶或曰兵科非兵部君請勿疑既仕至貴州巡撫每以前夢為疑夫人曰安知不更遷兵部耶後果遷兵部侍郎

吳陳琰曠園雜志

查編修夏重侍

上幸海子捕魚賜羣臣賦謝恩詩落

句云笠檐蓑袂平生夢臣本烟波一釣徒詞意稱旨忽奉內傳烟波釣徒查翰林進見蓋同時有聲山學士故以詩分別之一時以為榮可與春城無處不飛花韓翃

同一佳話

在園  
雜志

石林云華亭悟空禪師塔前檜亦唐物宣和中詔朱冲取  
 之檜大不可越橋梁乃以大舟泛海出楚州以入汴張  
 帆風猛檜枝與帆低昂不可制舟與人俱沒云云咸淳  
 臨安志亦云鹽官安國寺悟空禪師塔前有古檜宣和  
 間朱勔移以去據此則古檜宣和中乃被厄東坡至鹽  
 官猶及見之今悟空塔現在吾邑安國寺中石林以為

華亭者訛


查初白石林  
避暑錄註

南門外鎮海祠神座前花罇相傳每潮汛將來罇中輒有  
 聲頗稱靈異予視之質厚而細蓋舊龍泉窰也近以收

藏不愜古蹟殘缺不復聞響

聲顯稱靈異三丁視之質厚而細蓋舊龍泉密也近以收

藏不愼古蹟殘缺不復聞響  
綴銷夏  
詮



浙江圖書館

浙江圖書館

卷之二十一

雜誌


七

浙江圖書館



浙江圖書館

藏不勝古韻楚楚不勝其多



浙江圖書館



浙江圖書館





浙江圖書館



浙江圖書館



浙江圖書館



浙江圖書館

Blue Cyan Green Yellow Red Magenta White 3/Color Black


TIFFEN Color Control Patches

© The Tiffen Company, 2007

Centimetres

1 2 3 4 5 6 7 8 9 10 11 12 13 14 15 16 17 18 19

Inches




浙江圖書館

915.1241  
4029



浙江圖書館



Centimetres **TIFFEN** Color Control Patches © The Tiffen Company, 2007

Blue Cyan Green Yellow Red Magenta White 3/Color Black